

# بوهبات صفاء

رواية

أحمد محمد سعد

منشورة  
للنشر  
الإلكتروني

تصميم الغلاف  
أميرة فريز

نوع العمل: ساخر

اسم العمل: يوميات صفاء

اسم المؤلف: أحمد محمد مسعد

الناشر: حروف منتورة للنشر الإلكتروني

الطبعة: الأولى ديسمبر 2015

تصميم الغلاف: اميرة فيرار

تفضلوا بزيارة موقعنا حروف منتورة للنشر الإلكتروني من خلال  
الضغط على الرابط التالي:

<http://herufmansoura2011.wix.com/ebook>

كما يمكنكم متابعتنا من خلال صفحتنا الرسمية على الفيس بوك من  
خلال الضغط على الرابط التالي:

<http://facebook.com/herufmansoura>

كما يمكنكم مراسلاتنا بأعمالكم على الإيميل التالي:

[Herufmansoura2011@gmail.com](mailto:Herufmansoura2011@gmail.com)

دار حروف منشورة هي دار نشر إلكترونية لخدمات النشر  
الإلكتروني ولا تتحمل أي مسؤولية تجاه المحتوى الذي يتحمل  
مسئوليته الكاتب وحده فقط وله حق استغلاله كيفما يشاء

كتاب ساخر

يوميات صفاء

أحمد محمد سعد

## الفهرس

|    |                                |
|----|--------------------------------|
| 6  | أزاي أعرف أنه مخبي فلوس .....  |
| 12 | السيطرة علي التلفزيون .....    |
| 17 | البلايستيشن .....              |
| 23 | الفسحة .....                   |
| 30 | كيد الرجالة .....              |
| 35 | ذكريات صفاء .....              |
| 41 | صفاء ...يوم ما غضبت .....      |
| 52 | صفاء ..حلقة خاصة .....         |
| 56 | أنتقام عماد .....              |
| 68 | أزاي تخليه يغسل المواعين ..... |
| 73 | المصارعة .....                 |
| 79 | صفاء أمن الدولة .....          |
| 87 | مصروف البيت .....              |
| 94 | صفاء . التوكتوسايكوس .....     |

## أزاي أعرف أنه مخبي فلوس



تدخل صفاء للصالة وهي بتتكلم في الموبيل وبتقول

-خلاص يا طنط مستانينك بكره أنا و عماد

قالها عماد: مين دي اللي كلمتها

-دي أمك ، أنا عزمتها تيجي تتغدا معانا بكره

-طب يا حبيبتي هو فيه حد بيعزم في أواخر الشهر كده

-معلش يا حبيبي أهى جت كده

-طب وعملا حسابك ولا إيه

-يعني ،، بس هاحتاج شويه حاجات بسيطة

-زي إيه يعني

-هحتاج لحمة وفرا...

-إيه يا حبيبتي هي أولها كده لحمة وبتقولها بالساهل كده

-معلش يا حبيبي ماهو في وشك برضو ودي أمك

-ااه أمي ،، طب وفرخه كمان

-فرخه إيه يا ميدو يا حبيبي ،، وفرااخ قول ثلاثة أربعة

-ليبييه هي أمي ولا الأمة كلها

-ياحبيبي أنت عايز أمك تقول عليا بخيلة ولا إيه وبعدين دي أمك

برضو

-يعني هي عشان أمي لازم يطلع عين أمي ،، طيب حاضر يا ستي

عشان أمي متقولش عليك بخيلة ،، حاجة تاني

-وحتجيب معاك لوازم تورته وهاكتبهاك

-وتورته لبييه بقي كمان أنت هاتعمللها تورته باللحمة ولا إيه

-يا حبيبي مش أختك عيد ميلادها قرب يعني لازم تورته أصلها

هاتيحي مع أمك

-طب دا عيد ميلادها فاضله يجي شهر وزيادة إيه لزمه التورته بقي

وكمان مش بكره أجازة وخاطيبها هيجلها هناك يبقي هاتيحي أزاي



-ياحبيبي ودي تفوتتي برضو ،، أنا عزمتهها هي وخطيبها أهو منها  
يتعرف علينا في بتنا كويس واتفشخر أنا بجوزي حبيبي وأعرفها  
أني بعمل أحلي تورتة وده كله عشانك يا ميدو وعشان خاطر أمك  
-كانت ليلة سودة

-ليلة إيه ياحبيبي ؟

-لا ياحبيبتى ولا حاجة ، خلاص كده صح ؟

-أزاي ياحبيبي أنت نسيت الفاكهة ،، خمس أصناف عالآقل ، دي  
برضو أمك

-آه ما عشان أمي هايتخرب بيت أمي ،وده يطلع بكام التوتل كله كده  
-يعني مع التسالي والمشروبات وكله بتاع خمسين ستين...قول  
تولتميت جنيه كده

-إيه ده مين ليه بكام

-ياحبيبي عشان خاطر أمك

-بلاش الكلمة دي وحياة أمك أنتِ

-طب يا لله يا حبيبي مستتي إيه

-إيه ... دلوقت طب بكره أتصرف في فلوس وأجيب الحاجة

-لا مش ممكن ، أنا لازم أحضر الحاجة من النهاردة ،، هو أنا هاقدر  
أحضر كل ده بكره ،، لازم الحاجات دي تيجي دلوقت ،، وفوراً ده  
طبعاً عشا...

-عشان خاطر أمي ، فهمت وحياة أمي ، طب هادخل أغير هدومي  
وأنزل أجيب أم الطلبات من عند أم البقال والجزار والسباك والحلاق  
-طب هاجي معاك جوه عشان أجيب القلم من الكومود وأكتبك  
الطلبات

-لاااا أنتِ هنا هاحدلك القلم والورقة وأكتبها بره عالترابيزة لحد  
ما أغير هدومي

-ماشي يا حبيبي

وفي سرها أتأكدت أن فيه فلوس جوه وهاخذ منها يجيب الطلبات ،،  
أما في سره كان بيلعن اليوم اللي شاف فيه وش أمها.

## رجوع الفهرس

# السيطرة علي التلفزيون



صفاء بتتكلّم في الفون ،أيوه يا أبلة إقبال مش عارفه أتفرج  
عالمسلسل الهندي ،،، البيه كل يومين يجبلي ماتش ويقعد يتفرج  
عليه وأتفرس أنا

-يابنتي بسيطة جداً ،، قوليلي بس أنت بتفهمي في الكوره

-لا

-طب عارفه بيشجع فريق إيه

-الأهلي طبعاً هو فيه غيره

-طب خلاص أتحت ،،أعملي اللي هاقولك عليه بالظبط ؛؛؛،

~~~~~`~~~~~

-معلش يا حبيبتي متقل عليك شوية في حكاية الماتش دي بس القهوة  
دوشة وبقت لمة أوي

-ولا يهمك يا حبيبي ، أنا كمان هاتفرج معاك وأشاركك اهتماماتك

-ربنا يكملك بعقلك يا حبيبتي ،،أومال فين الكابتشينو بتاعك

-لا مش عايزه

وبدأ الماتش بين الأهلي والاسماعيلي وصفاء كل اللي تعرفه أن  
الأهلي هو الفريق الأحمر ، ، وبدأت تنفذ الخطة...

deceitful -

## -ایہ بتضحکی علی ایہ ؟

**-أصل شكلهم بالشورتات مضحك أوى**

**يَبْصِلُهَا بَسْتِغْرَابٍ بَسْ يَكْمَلُ مَشَاهِدَتَهُ الْمَاتَشْ**

**۔فیہ ایہ یابت**

**-الراجل الكبير اللى فيهم بيلعب بصفاره هههههههه ايه العبط ده**

**-طب يا صافى سايلنت شوية عشان عايز أركز ،، ممكن ؟**

**بعد شویہ...**

## - ههههههههههههه ساب الكوره ورجع العبيط ليه

## يا ماما أوفسايد الحكم حسب أوفسايد

**-يعني أيه أوفسايد دي؟؟**

**-أوفسايد يعني..... أن اللل..... طب بعدين أفهمك يا حبيبتي**

deceitful -

## -أبو أم العيشة في إيه ???

**-أصله شاط الكوره بره والجون قدامه ههههههههه ياهبل خد فشار**

## -ياحييتي ميقصدش الكوره ألشت من رجله

**-ههههههههه الش يعني هزار مش كده**

## -صفاء .. بس خلاص

**-طب ياحيبي ماتر علس**

وفضلت صفاء علي الحال ده ربع ساعة كاملة لحد ما عماد بدأ يشد شعره وأخيراً

## - هههههههههههه جووووون

-ياصفاء أنتِ عايزه تشليني ، ده جون فينا

[illegible]

**-يوووووه علي أبو أم اللي عايز يتفرج علي ماتش في البيت ده**

## وقام يخرج

## - علی فین یاحیبی

## - غاير فى داهية

## -طب أرزع الباب وراك

**وخرج وهو يقول حسبي الله ونعم الوكيل**

أما هي أتصلت بأبلة إقبال وقالتلها

-أَبْلَةُ إِقْبَالٍ يَا عِلْمُ ،، الّی قولتیه حصل بالحرف ، دا أَنْتِ مَكْشُوفٌ

عنك الحجاب ، ، وأنا دلوقتي قاعدة أنا والكابتشينو والريموت وهواك

## أجميل.

## رجوع للفهرس



## البلايستيشن



-فيه إيه ؟

-عماد جايب صحابه وبيلعبوا بلاى ستيشن في الصالة وعاملين  
هيصة و زيطة وأنا مش عارفة أتحرك في الشقة وكمان عاملة زي  
القهوجي الخايب اللي بينزل مشاريب ومش عارف يحاسب  
-هههههه بس كده بسيطة ياستي ، بوصي هاتعملي إيه..

~~~~~

خرجت صفاء للصالة وقعدت عالكنبة وسط جوزها وصحبه اللي  
بيلعبوا ،فحصل كتمان في القاعدة فقالها عماد:ايه ياصفاء جيتي هنا  
لييه ؟

-أصلي حاسة بوحدة وخانقة كدة فقولت أقعد معاكم أتسلي

-أيوه بس القاعدة مش هاتعجبك

-لأ عادي

-بدوا يلعبوا تاني ووسط اللعب بتقول صفاء لصاحب عماد اللي بيلعب  
معاه: أهلاً وسهلاً

ومدت إيديها وصحبه كان رايح بهجمة واعدة بس باظت منه عشان  
ساب الجيم وسلم عليها

-أنا صفاء وحضرتك ؟

طبعا صحبه عايز يركز ومش عارف منها فبيكلمها من تحت الضرس  
-أنا جابر صاحب عماد

-معلش مش وخدة بالي قوي منك ،أنت جيت فرحنا

-جابر بنرفزة خفيفة: أيوه يا مدام صفاء

-طب أجيب صور الفرح وتوريني صورتك بقي

جابر دخل فيه جون قام قال للي قاعدين :هي كده أضربت يالا بينا  
ياجدعان

-إيه يا جابر ما تكمل الماتش

-ياعم ماتش إيه المدام بتقولك حاسة بوحدة أفهم بقي

وفعلاً خرجوا وعماد شاف صفاء بتمسك الدراع بتاع الجهاز وبتقوله

يالاه بقي يا حبيبي علمني

١٠- أَعْلَمُكَ إِيَّاهُ

## -العبة دي عشان أبقي ألعب معاكم

**عماد ییصلها بذھول وبأعلى صوته ینده :یا جالالہ**

**ويجري يلحقه عالسلم**

## -أطلع ياض خد الجهاز

## -جهاز ايه

**-خد الجهاز معاك أنا مش عايزه خده وأنا هاغير وأنزل معاك**

**وفك عماد وصلات الجهاز وحطه في شنطة وأداه لجابر وراح يغير**

## هَدُومَه

**فَقَالَتْ صَفَاءُ لَجَابِرٍ: خَوْمَسْمِيَتْ جَنِيَهْ يَاجَابِرِ**

**-نعم**

-إيه أنت فاكّر هاتخذ الجهاز ببلاش ،ده صحبك حتى يا جابر

بصلها جابر بغباوة بس طلع بره لم الفلوس من بقيت أصحابه

وأدهلها

وعاد عماد وهو مغير هدومه وقاله يالا بينا

جابر قاله :يالا علي فين ، خليك أنت مع المدام دي بتقولك وحده  
ياجدع

-لييه البيعة دي يا جابر

-بيعة ،، أيوه بيعة والحساب مع المدام يا عمدة يالا بينا يا جدعان  
ومشيوا وقفلوا الباب وراهم ،فقال لها: حساب إيه اللي معاك

-ياحبيبي أصلك طيب وعلي نياتك عايز تديله الجهاز ببلاش بس أنا  
بقي خدت منه خمسميت جنيه أهم يا حبيبي ،،، وأدته والفلوس فقال  
لها: بعته الجهاز بخمسميت جنيهه ؟

وحط الفلوس بغيظ جوه بقه وبيندغ فيها من الغيظ

فقلته: شكك جعان يا حبيبي ، حالاً هاحضرك العشا

وجريت من وشه لأنها حست أنه هاينفجر وقفلت باب المطبخ وراها  
وهي ميتة علي روحها من الضحك .

[رجوع للفهرس](#)



# الفسحة



عماد أنا عايزه أخرج النهاردة

-ياحبيبتي نخرج أزاى بس أنا هاروح الشغل

-خد أجازة النهارده وفسحني عشان زهقانة

-طب أستني لأول جمعة في الشهر الجاي وأنا أعملك اللي أنت عايزاه

عشان حتي الفلوس دلوقتي مقصره حبتين

-بقولك زهقانة تقولي آخر الشهر ،طب أنزل يا عماد أنزل وأنا أطلب

منك أنت ليه

-ليه؟ أومال هاتطلبي من مين يعني

-ياعم أنزل أنت ملكش دعوه أنا بحب اقول كلام كده وخلص

-طب سلام يا صافي

-سلام

ونزل عماد من هنا وهي أتصلت بأبله إقبال

~~~~~



(عماد في الشغل)

جابر صاحب عماد بيقوله:مالك يا بني التليفون شغلك النهاردة ليه ؟

-رقم من الصبح عمال يرن عليا ،أفتح عليه أسمع أغاني وبس أقول  
آلو محدش يرد اقفل يرن ثاني ، أرن أنا يفتح وميتكلمش وغير كده  
رسايل حب وسهوكه

-ههههههه طب وده مزعلك ، ده المفروض تفرح

-أفرح ليه ياعم هو أنا ناقص بس أنا عايز أعرف مين أصلاً الرسايل  
فيها أسمى

-اااه يبقي حد معرفة يا ريس أكيد وحدة من بتوع قبل الجواز

-طب تقولي بدل شغل العبط ده ،عموما أنا سجلته لحد ما أشوفله حل

(عماد في البيت)

ياه يا حبيبتي ،كان يوم هلاكان تعبت عالآخر

-معلش يا حبيبي هاحضرك العشا حالاً

-ياريت يا بيبي عشان جعان موت خدي الفون حطيه عالشاحن

-من عنيه

وأخذت الفون وغابت ثواني ورجعت له وبغضب قالتله: الله الله ،ودي

مين بقي اللي بعتالك الرسائل الحلوة دي

-في إيه يا بنتي عالمسا وأنتِ إيه خلاكي تفتحي الفون

-أفتح الفون عشان أشوف خيانتك يابيه ،لا وكمان متصل بيها

ومتصله بيك ،ده إيه الحب الكبير ده

-يا بنتي أقصري الشر مفيش حاجة من اللي في دماغك دي

-لا أنا مش قاعدالك فيها لحظة وحدة بعد كده أنا رايحة لبابا يشوف

الحكاية دي

-طب أستهدي بالله

-هاتوصلني ولا أنزل لوحدي ؟

-طب أستريح شوية وأكل لقمة ده أنا علي لحم بطني

-هاتوصلني ولا لأ ؟

يعني مصمة ،، طب يالا

(عند أبوها)

أبوها قالهم: ياولاد أخزوا الشيطان وأعقلوا

-يابابا ده أنا وريتك الرسايل والصادر والوارد بتاعه وتقولي أعقل

-جايز يابنتي زي ما بيقول بتعكسوا

-مليش دعوة مش رجعة معاه

-ما تصالح مراتك يا عماد

-ياحبيبتي ما تكبريش الموضوع والله معرف مين دي

-لما كده وأحنا لسه عرسان جداد أومال لما نقدم هاتعمل إيه ، تتجوز

عليا

-يا بيبي أبدأ طب والله العظيم ما أعرفها

-خلاص يا بنتي مدام حلف يبقي صادق

-طب يا بابا نفسييتي مش سمحه

-يا حبيبتي حقك عليا وأدي راسك أبوسها ، أنتِ مش كنتي عايزه  
تخرجي النهارده ، تعالي نتفصح ونروح بتنا

-ونتعشي بره

-غالي والطلب رخيص يا قمر

-وفي المطعم اللي يعجبني

-ماشى كلامك يا جميل ، ها يالا بقي عشان بابا ينام

تضحك صفاء وتهز رسها بموافقة

وبعد ما أتفسحوا وسهروا لحد الساعة وحدة باليل رجعوا البيت  
وعلي أول درجة سلم قالتله أستناني لحظة

وراحت لمرات البواب وقالت لها: خدي خطك أهو يا هنيه

-خليه يا ست صفاء

-تسلمي يا هنيه

-والرقم بتاعه يا ست

-متخفيش مسحته من موبيله خالص

-واعيه يا ست صفاء

-عييب ده أنا صفاء

ينادي عماد من بعيد :إيه خلاص ولا لسه

ترجع له وضحتها في وشها وتقوله :ها مبسوط يا حبيبي

-برغم أني اتقتلت لف في الشارع وكعيت كل اللي مخليه ليا لبقية

الشهر بس وأنا معاك دايماً مبسوط ،ربنا يخليك ليا وميحرمني منك

أبدأ ويبعد عننا الشيطان

ضحكت في سرها أصله بيدعي أن ربنا يبعد عنهم الشيطان وهو

متجوز الشيطان ذاته .

[رجوع للفهرس](#)

## كيد الرجالة



عماد في الشغل

جابر بيقوله :مالك يا عماد شايل عبد القادر ليه ؟

-مراتي بكره رايحة عند أمها ودي لما بترجع من عندها بتقعد يومين  
مبوزه وفييين لما تفرد وشها تاني

سمير زميل عماد يقوله :طب ما تقولها متروخش

عماد:دي لوحدها مشكلة وخناقة أني أمنعها من أمها

سمير:وبعدين ،،هاتعمل إيه

عماد:والله ما أنا عارف وخصوصا أنها مش طالبة معايا نكد اليومين  
دول كفاية القرف اللي في الشغل

جابر:هههههه أصلك غلبان يا عمده ومالكش في الخبائة

عماد:أزاي يعني

جابر:يعني الستات يا صاحبي لما تريحها تتعبك ولما تتعبها تريحك  
،أسمع مني شقيها وطلع عينها مش هاتقولك ولا أمي ولا أبويا حتي

ظهر الاهتمام علي عماد وقاله: وأشقيها أزاي يعني

جابر:شوف أنت تاخذ دلوقت نص يوم أجازة وتتصل بالمدام وتقولها  
تروح أي مشوار عشان تفضي الشقة وتطلع الشقة من غير ما حد  
ياخد باله وتبهدل الشقة ،تجيب عاليها وطيها وتنزل بسرعه قبل  
ماتيحي وبس كده يامعلم ،هي هاتيحي تهلك في توضيب الشقة وتاني  
يوم ولا هاتقدر تروح لأمها ولا حتي تقوم من عالسريير

عماد:يابن الأبيبيه دي فكرة متخطرش علي بال الجن الأزرق  
وسحب جاكته وطلب من سمير أنه يعملهُ الأذن وبعث مراته تجيب  
حاجة ونفذ الخطة بالتمام وبعد كده راح قعد عالكافية لحد ميعاد  
الإنصراف الطبيعي بتاعه وهو فرحان أنه بذكائه غلب صفاء  
وراح البيت ولقي ناس طالعة وناس نازلة وحركة غريبة لحد ما دخل  
الشقة

وشاف صفاء وأمها في الشقة وحواليهم ناس أول ما شافوه خرجوا  
وهما بيقولوله سليمة إن شاء الله يا أستاذ عماد ،فسأل عماد مراته  
:فيه إيه حصل

صفاء:حرامي يا عماد دخل الشقة وكركبها لما خرجت فاتصلت بماما  
وماما بلغت البوليس



## -البوليس كان هنا ؟

## حماته: أيوه أو مال إيه و عملوا محضر

## -وَأَسْمِي جَه فِي الْحَضَر؟

صفاء:متخفش يا حبيبي الظابط قال أن الاقتحام مكنش بغرض السرقة لأن مفيش حاجه اتسرقت فأهتم ورفع البصمات وقال أنه كلها يومين وهايمسك الحرامي

عماد: وكم ان رفع البصمات ، يا صلاة الزين يا صلاة الزين

حماته:أسمع أنا هأقعد هنا مع بنتي لحد ما الحكاية دي تعدي علي خير

**-وَكَمَا هَاتَقْعِدِي مَعَانَا هُنَا يَا حِمَاتِي يَا صَلَاةَ الزَّيْنِ يَا صَلَاةَ الزَّيْنِ**

-أومال أسيب بنتي الحرامي يتهجم عليها وحضرتك في الشغل ويستفرد بيها ،ويكون في معلومك أنت هاتنام بره في الصلاة وأنا وبنتي جوه في الأوضة ولا عايزنا أحنا اللي نحميك ياسي عماد

[illegible]

صفاء:معلش يا حبيبي معرفتش أعمل أكل عشان طول النهار الناس  
طالعة وداخلة فهتنزل وتجبب لنا عشا

-وكمان مفيش أكل يا صلاة الزين يا صلاة الزين

-وبسرعة يا حبيبي عشان نلحق نرتب الشقة عشان ماما ترتاح

-وكمان هاروق الشقة دا إيه السعد ده

في اللحظى دي وشوف محاسن الصدف ،أتصل بيه جابر صحبه وقاله

إيه رأيك ؟ريحتك أهو يا عم اي خدمة ، وأبقي أدعيلي

عماد قاله:أدعيلك ،،،ألهي يا شيخ يخرب بيتك.

[رجوع للفهرس](#)

## ذكريات صفاء



مقدمة..

لكل اللي بيقول أن صفاء دي قوية ومفترية..

طب شوف كانت بتتعامل أزاي قبل الجواز وأحكم بعد كده...

~~~~~

كان عماد وصفاء بيتعشوا . فلما خلص عماد العشا قام علي طول  
يفتح التلفزيون من غير ما يقول ولا كلمة لصفاء . فلما شافت صفاء  
كده ضاقت نفسها من الجفاء ده . وسرحت بخيالها تفكر أيام زمان

.....

~~~~~

راكب عماد ماكينة (الفيسبه) وراكبة وراه صفاء . وعشان هي مش  
راكبة معدولة وكانت أول مرة تركب حاجة زي دي فكانت خايفة أوي  
لحسن تقع . فكانت ماسكة عماد جامد . ولما تحس أن كده مش كويس  
كانت تبعد أيديها عنه . بس هو لاحظ كده فكان بالقصد يدوس بنزين  
بشكل مفاجئ ومتقطع عشان تعمل الفيسبه نوع من قفزات سرعة  
خفيفة . فكانت صفاء تحضنه أكثر .

وتقوله . هي البتاعى دي بتعمل كده ليه؟

عماد.مش عارف .الظاهر مفهاش بنزين..

صفاء .طب متروح أي محطة بنزين وتزودها

عماد .مش عارف أوقفها .الظاهر مفهاش فرامل

صفاء .يانهار أسود....نزلنييييييي

عماد يضحك .صفاء تقوله .نزلني لحسن أسيب نفسي وأقع وأجبلك  
مصيبه

عماد .حاضر حاضر .أحنا قربنا نوصل أهو

ووصلوا عند كورنيش النيل .نزل عماد ونزلها .ف قالت له .حرام عليك  
أنا مفاصلي سابت

عماد .هههههههه سلامة مفاصلك .بس إيه الأحضان دي كلها.

صفاء .متخليش خيالك المريض يروح لبعيد .أنا كنت مضطرة عشان  
كنت خايفة

عماد .خلاص وأحنا رجعين هاسوق بضهري وأعدك وشي

صفاء .بطل قلة أدب .وتعالى هنا قولي .إيه حكاية الفيسبه دي

عماد دي بتاعت واحد صحي وعارضها عليا عشان أشتريها .فقلت  
أخذها أفسحك بيها وأجربها .وأنا مكنتش ناوي أشتريها .بس بعد  
الأحضان دي كلها .بفكر أخذها

صفاء .لا تاخذ إيه .أنت أمسك نفسك في المصاريف بتعتك يا حبيبي  
عشان تخلص توضيب الشقة عشان ربنا يتم لنا علي خير .بلا فيسبه  
بلا بتاع

عماد .إيه ..أنتِ قولتي إيه ؟

صفاء .بقولك .وضب الشقة وماتشتريش الفيسبه

عماد .لا .قبل حوار الشقة قولتي إيه

صفاء .إيه ..قولت إيه

عماد .قولتي .يا حبيبي .صح؟

صفاء سكنت وبصت في الأرض

عماد .قولتي يا حبيبي .أنا سمعتها بودني .كده ولا إيه .بصي في  
عينيا وردي

صفاء بكسوف واضح .يووه بقا .الله ..عديها بقي عشان بتكسف

**عماد .بتكسفي ده ايه .طب أنا بقي هاوركي الكسوف اللي بجد..**

## صفاء . ہاتھ عمل ایہ یا مجنون

تجاهلها عماد. وراح وقف فوق الفيسبه وقال بأعلي صوته . أنا بحب  
البت دي نااااس . والله العظيم بحبها..

هي طبعا غطت وشها بأيديها من الخجل .وكان في واحد معاه مراته وعياله وكان بيحاول يبعد عياله عن العربيات ومراته قاعده وتحت منها حوالى كيلو قشر ترمس .فقاله .طب أنزل يا أهبل

فقاله عماد . أنت مالك ياعم واحد ويحب خطبته . وفضل يكرر انه  
بيحبها والناس تبص عليه وعليها . وناس تتضحك وناس تعمله  
علامة مجنون وناس تصوره بالموبايل .

وواحدة كانت قاعدة عالسور بتاع الكورنيش وجانبها واحد وأول ما شافت عماد كده قالت للي معاها .شاييف يا لوح

الشباب قالها. طب خدي أسمعني بس هاقولك

نزلت من عالسور وقالت بغیظ . بلا نیلة . جاتكم القرف مفکومش حد  
عدل

فبصله الشاب بغيظ وراح ورا البنت

قطع ذكريات صفاء كلمة عماد .الشاي يا صفاء

رجعت صفاء للواقع والحاضر فقالها عماد .إيه أنتِ نسييتي الشاي  
ولا إيه

صفاء ابتسمت ابتسامة حسره صغيرة وقالتله .مانستش يا عماد  
.مانستش .بس ياريت أنت كمان ماتنساش

عماد .تقصدي إيه ..الشاي

ابتسمت صفاء ابتسامة حسرة صغيرة ومردتش المرة دي



## صفاء...يوم ما غضبت



~~عماد صاحي فرحان بيوم الأجازة وبيقول في نفسه .ياسلام بقي  
لو مفيش نكد النهاردة .بس أزاي دي أول ما هاتصحي .البرق  
هايبرق والرعد هايرعود وهاتطيع عليا الأجازة في الخناق .نفسي  
بقي في يوم عزوبية من بتوع زمان.

فكر شوية وبعدين هداه تفكيره أنه يغضبها ويمشيها عند بيت أبوها  
ولما يستكنيص علآخر يبقي يراضيها ويرجعها . فراح صحاها وهو  
بيشخط :جري إيه ياست .أنت مش ناوية تقومي ولا إيه .الساعة  
بقت تسعة الصبح.

طبعا قامت مكشرة من الشخيط بتاعه وقالتله:وفيه إيه يعني .مش  
النهارده أجازتك

-وهو يعني عشان أجازة مش هانشوف إيه ورانا .مش عندك راجل  
عايز يفطر .مش فيه بيت عايز يتتصف .ماتقومي بقي قامت قيامتك  
-أنت صاحي تتخانق عالصبح .لو سمحت متكلمنيش بالطريقة دي

- أنا كده ياستي واللي مش عاجبه .الباب يفوت بغل

-شهقت صفاء من الكلمة المفاجئة .وعملت .هيببيئي

-إيه أنتِ هاتغرقي .أيوه زي ما بقولك كده ولو مش عجبك يالله علي  
بيت أبوك

-طب والنعمة مانا قاعدالك دقيقة واحدة بعد كده  
-يالله مع السلامه يا ختي.

لمت هدومها في دقيقة وهو بارد جداً ولا هو هنا .فخرجت وقفلت  
الباب .وطبعا هو بقي هايطير من الفرحة.

فرد نفسه عالسريـر فرحان أنه هاينام عليه لوحده .وقام تاني وراح  
الصالة .كانت الستاير مقفله من امبارح فحاول يفتحها .مش عايزه  
تتفتح معاه .كان للستاير أزرار قفل علي شكل فيونكات وهو مش  
عارف أن الفيونكات دي هي اللي بتفتح الستارة .فشدها جامد  
فأتخلعت الستاره من الجنب التاني .ووقعت عالارض قام الناصح  
يدور علي حاجة يقف عليها عشان يركب الستارة .فجـاب ترابيـزة  
الصالون اللي عليها رخامة .كان علي الرخامة فازه فيها ورد فرمي  
الفازه عالكنبة بتاعت الصالون .و أخذ الترابيـزه ووقف عليها وهو  
ماسك طرف الستاره عشان يركبه .طبعا الرخامة مستحملتش ثقله  
فاتكسرت 60 حته والترابيـزة اتفشفت وهو وقع أخذ الستارة كلها

معاه عالارض .رجله اليمين أتعورت جامد .فقام يروح الحمام عشان يغسلها ويحطّلها شاش .طبعاً داس بالدم وطبع علي السجادة والسرّاميك لحد ما وصل الحمام..

في الحمام .رفع رجله المصابة عالحوّض عشان يغسلها .وهو بيغسل رجله كان بيدور علي الشاش والقطن في رف زجاجي جنب المرايا اللي فوق الحوض .لقي الشاش والمطهر .بص علي القطن لقاه بعيد شوية .طبعاً مد أيده وهو مرتكز بأيده الثانية عالف زجاجي .ورجل في الحوض ورجل عالارض .الف مستحملش الأستناد بتاعه فاتكسر فوق عالارض وهو بيقع حاول يمسك في أي حاجه .مسك الحنفية فاتكسرت في أيده .وقع عالارض وكان عالف زجاجات فيها بعض المواد الملونة اللي جت علي هدومه فبقعتها .أما الميه الساقعة اللي خارجة من الحنفية المكسورة لما جت عليه فضل يتكتك منها لأنه مبيستحملش الميه الساقعة فجري بسرعة جاب السجاده اللي في الأرض قدام الحمام عشان يعملها ساتر من الميه عشان يدخل الحمام يقفل المحبس العمومي..

بس وبعدين راح دخل أوضه النوم عشان يغير هدومه .رمي الهدوم  
المبقعه عالسرير وفتح الدولاب عشان يجيب غيار .وقلب كل اللي  
في الدولاب عالارض عشان يطلع حاجه يلبسها..

خرج من الأوضة عالمطبخ عشان يعمل فطار .فتح التلاجة ملقاش  
أكل .أفكر أن النهارده أول الشهر وهو لسه مداش صفاء المصروف  
فقال لنفسه ..:ماشي .أروح أصلي وأشتري أكل وأنا راجع..

خرج يصلي الجمعة وقبل ما يروح المسجد عدي علي الفرارجي  
وأشتري فرخة . ساعة الصلاة الفرارجي ساب الفرخه بعد ما نضفها  
من بره بس . لكن صبي الفرارجي بحكم عمله أفكر أن المعلم بتاعه  
نضفها كلها فحطها في شنطة وأداها لعماد بعد ما رجع من الصلاة..

رجع عماد للبيت ومعه الفرخة ودخل المطبخ .وقعد ربع ساعة  
يحاول يفتكر 'ن كانت صفاء بتحط الفرخة في ميه ولا لأ ..في النهاية  
رجح أنه يحط ميه في الحلة مع الفرخة ويسبها عالنار .وجاب كيس  
رز كامل وفضاه في حله تانية وحطها هي كمان عالنار ..وأتسلي  
بعمل طبق سلطة .شوية وبص عالفرخة لقاها بتورم وتكبر .ابتسم  
وقال :قشطه شكلها كده بتستوي..

خرج يقعد بره يتفرج عالتلفزيون .طبعا لقي الكنبه غرقانة ميه من الفازه اللي رماها عليها .ومش كده وبس ده كمان الريموت اللي كان عالكنبه باظ من الميه .وكان التلفزيون من النوع اللي من غير أزرار ولازم الريموت عشان يشتغل..

فعمل فيها ناصح وراح يلعب في جاكات الريسيفر والتلفزيون عشان يجيب أي قناه يتفرج عليها ..وهنا دوي صوت الانفجار من المطبخ .طبعا عماد أتخط ورمي اللي في أيده لأنه أفكر أن اللي أنفجر هو التلفزيون ..فوقع التلفزيون والريسفر عالارض .لكنه سابهم وراح يشوف سبب الانفجار وكان المنظر كالتالي..

الفرخه ورمت لحد ما أنفجرت عشان مصارينها اللي جواها اتفتركت .وتناثرت قطع الفرخة في كل حته في المطبخ .ده غير حلة الرز اللي طارت من الفرقة وتناثر الرز في كل حته في المطبخ برضو .وجهه حتي علي طبق السلطة

بص للشقة بصة عامة وقال لنفسه :طب أنزل بقي قبل ما أحرقها أو أموت نفسي ..نزل عشان يشتري أكل جاهز وراح مطعم وهنا أفكر أنه ساب الفلوس والفون والمفتاح في الشقة .فقال بالاس كده كملت

من مجاميعه .أروح بقي أقعد مع صلاح البواب ونشوف صرفه في  
فتح الباب..

راح قعد علي الدكة جنب صلاح البواب فقال له صلاح:خير يا أستاذ  
عماد .مزعل الست صفاء ليه

-حمار بقي هاتعمل إيه .ونبي معكش دقيقة أكلها تبعلي المفتاح  
بتعها .أصلي نسيت مفتاحي والفون والفلوس فوق .طب تصدق بالله  
.أنا محطتش لقمة في بوقي من الصبح .مش زعل لا لأنني مش عارف  
أكل يا عم صلاح

-وتكلمها ليه .ما هي جوه عندنا من الصبح  
-بجد...وبفرحة حقيقية دخل لصفاء لقاها قاعده مع هنيه .فقالها:  
وحشتيني

مرضتش عليه  
-بصي أنا أسف علي كل كلمة قولتها .طب شوفي أنا مربوط رجلي  
وأيدي أزاي .يعني لو سبتيني يوم كمان هاتقري علي روعي الفاتحة  
تاني يوم.

-بعد الشر عليك .مالك صحيح متبهدل كده ليه

-مش عارف أعيش من غيرك والله يالله بقي عشان أنا تعبنا وجعان  
وغلطان.

وفعلا رضاها وطلعت معاه وعند الشقة وقبل ما تفتح قالها .:أستني  
.أوعديني أنه مهما شوفتي ومهما حصل مش هاتتخلي عني أبداً  
-أوعدك يا حبيبي .بس توعدي أنك تحترمني ومتكلمنيش كده مرة  
تانية

-تمام أفتحي بقي .وتوكلي علي الله

وطبعا أول ما فتحت وشافت الشقة شهقت بصوت عالي :هيايبي

-إيه يا صافي أنت لسه بتغرقني من ساعتها

-إيه اللي حصل للشقة .أنت كنت بتصارع ثور في الشقة

-ياحبيبتي أنت لسه شوفتي حاجة .ده بس اللي علي وش القفص  
.تعالني بقي أستلمي الصالون



-هيبينئى يا نهار مش فايت .إيه اللي حصل الستاير .وإيه الدم اللي  
عالسجادة والأرض .والميه اللي عالكنبة والتلفزيون .يالهو  
يالهو .والترابيزه .إيه اللي حصل للترابيزه ده يا عماد

**-بصي خلي الشرح بعدين .تعالى الأول استلمي أوضة النوم**

## -هي أوضة النوم خربت مكان.

**ودخلت أوضة النوم :هبيئى ياخراايبى المفرش باظ .والملايا باظت  
حد يحط الهدوم الوسخة عالسرير كده .وايه اللي طلع مصارين  
الدولاب كده .لا بجد حرام عليك ياعماد.**

## -تعالی بس استلمی الحمام الأول

## يا نهاري... الحمام كمان

دخلت لقت الحمام عايم فيه والزجاج في كل حته والحنفية مكسورة  
والرف متكسر قالتله: لا ياعماد بجد كده كتير وحرام بقي

**-بصي فاضل النمره الأخيره .المطبخ**

**-لا كله ألا المطبخ كله ألا ال.....**

وشافت المطبخ :هيبيئي

-ياحبيبي كفايه غرقان بقي أنت فطسطي مني

وهنا طلعت هنيه بشنطة صفاء اللي كانت تحت . فأول ما شافت هنيه

الشقة قالت :هيئي

عماد:إيه .أنتي جايه تغرقى هنا أنتِ كمان يا هنيه

هنيه؛أنا جايه الشنطة لست صفاء . هو إيه اللي حصل للشقة

.رفسها حمار

صفاء :نزلي الشنطة تاني ياهنيه

عماد:سيبي الشنطة يا هنيه .إيه يا حبيبي .أنتِ نسييتي وعدك ليا

من خمس دقائق

صفاء :لا .أعتبرني عيله ورجعت في كلامي .ده حرام عليك وعلي

أسلافك وأجدادك اللي أنت بتعمله ده .نزلي الشنطة ياهنيه

عماد:سيبي الشنطة ياهنيه .يا حبيبي عشان تصدقي أني مش

هاعرف أعيش من غيرك

صفاء :أومال لو سبتك يومين كنت عملت إيه في الشقة .كنت حرقتها  
عماد:والله أنا نزلت عشان متحرقش مني .خلاص بقي وحياة عمده  
عندك

صفاء:بس بشرط

عماد:أأمر يا قمر

صفاء :هاتروق معايا البيت كله .واللي أتكسر هاتجيب غيره  
.والسجاجيد اللي باظت تجيب غيرها .ها تمام

عماد:من جوه نن عيوني يا حبيبتي .وتوبة من دي النوبة أزعلك مرة  
تانية يا صافي

وفعلأً قضي بقية الأجازة يروق الشقة معاها وكل اللي في دماغه  
الفلوس اللي هايكوعها عشان فكر يغضب صفاء

[رجوع للفهرس](#)

## صفاء.. حلقة خاصة



صفاء تصحي الصبح تلافي عماد يقولها: صباح الورد والفل  
والياسمين علي حبيب قلبي- عماد .مالك في حاجة -أبدأ يا عيون عماد  
..يلا يا حبيبتي أجهزي عشان تروحي لماما النهاردة أصلي مسافر -

إيه ؟مسافر ليه وفين .ومقولتليش ليه من أمبارح.-معلش يا صافي  
هاروح مأموريه تبع الشغل لإسكندرية .يوم واحد بس ونسيت أبلغك  
أمبارح . يالا بسرعه عشان أوصلك في السكة

صفاء عند أمها...و أمها تقولها : أنتِ يابت قاعدة طول النهار هنا  
..أنتِ مش ناوية تروحي ولا إيه . أوعي يابت تكوني غضبانة ؟-  
ياماما غضبانة إيه بس .أصل عماد مسافر في شغل النهاردة وهبات  
هنا معاك -أنتِ يابنتي خايبة . لما هو هايغيب ليلة واحدة تسببي  
بيتك-ما هو اللي قالي باتي هنا .-وهو من أمتي بيقولك روعي عند  
أمك . لا الحكاية دي مش دخله دماغ-بلاش يا ماما عشان أنا أصلاً  
من الصبح وأنا قلقانة لوحدي .-ليه . عملك إيه الموكوس ده . أكيد  
زعلك ومش عايزه تقولي-لا بالعكس يا ماما . ده كان بكلمني بكل  
رقعة و ..و ..مش عارفة كده كان غير كل مرة-بس أهى كده بانتي يا  
عبيطة . الراجل لما يعامل مراته بلطف . يبقى كده حاسس بالذنب .  
الواد ده أكيد لايف علي وحده من إياهم-إياهم إيه بس أنتِ هاتقلقيني  
بس ليه -أقلِّقك يا خايبة . جوزك بيزحللك يا حمارة عشان يروقله  
الجو مع بسلامتها . أتصلي بيه شوفيه في مأموريه ولا بيضحك  
عليك , أتصلت صفاء بالشغل -ألو ممكن أكلم أستاذ عماد .... أنا المدام

-أسف حضرتك بس أستاذ عماد واخد أجازة النهارده

- إيبيبيبية...ورمت الفون وخرجت جري ترجع شقتها ولما وصلت العمارة قابلت هنيه مرات البواب وقالتلها: هو جوزي فوق يا هنيه- أيوه يا ست صفاء ده هنا من الصبح قلب صفاء انقبض . سألت هنيه :طب شفتي حد طلع له ؟-ماختش بالي ياست صفاء . أنا كنت بقضي الطلبات -أزاي ماختيش بالك يا هنيه أزاي؟, وسبتها وطلعت تجري عالشقة وهي بتكلم نفسها وتقول أزاي بس يا هنيه .كانت خائفة من اللي هاتشوفه وعارفه أن اللي هاتشوفه اللحظة الجاية هاتحفر في ذكرياتها للأبد, فتحت الشقة .إضاءة خافتة كأنها أضواء شموع .صوت موسيقي غربية هادية .الجو معطر .زينة .بلالين كثير في كل مكان .تمشي بهدوء لحد الصالة . شافت بوستر كبير ليها علي الحيط . مكنش موجود قبل كده . وشافته كان محضر عشا وجايب تورتة وبيقولها :كل سنة وأنت أجمل وأغلي حاجه في حياتي, أفكرت في اللحظة دي بس أن النهاردة عيد ميلادها . خبت وشها بكفها عشان تداري إنفعالها . بس دموع فرحتها كانت أقوى منها . نزلت منها وهي بتقوله:أنت فاكّر عيد ميلادي مسح دموعها وباس أديها وقالها :طبعاً . لأن اليوم ده لقيت فيه سبب عشان أحب حياتي .

ولقيت فيه حبيب أهديه حياتي اللي أنا حبتها عشانه-والبوستر ده هديتي -لا البوستر ده ليا أنا . عشان لما توحشني عنيك وابتسمتك أشوفها . أما هديتك أهى . طلع من جيبه سلسلة ذهبية فيها قلب بيتفتح وفي القلب صورته وصورتها . باست صورته في القلب . وبصت في عنيه و.....ولأن هو فقري وحظه زفت . رن جرس الباب في اللحظة دي راح فتح لقي جابر صحبه ومعاه مجموعه من زمايله وقاله: ألف سلامة عليك يا عمدة . أحنا جينا نسأل عليك عشان مجتش النهاردة, عماد بصله بغيط . وفي باله بيقول :ليه يا جابر . ما أنا مرزوع قدامك كل يوم حبكت تتظمن عليا النهاردة بالذات . أشوف فيك يوم يا بعيد, مال جابر علي ودن عماد وقاله :أصل لما أتصلت في الشغل وقالها أنك أجازة وهي متعرفش قولت أكيد هاتعمل معاك الجلاشة . فقلت ألحقك . ها إيه رأيك .مش صديقك الصدوق برض وعماد من تحت الضرس :أحبيبي يا جابر.

[رجوع للفهرس](#)

# أنتقام عماد





شيماء أخت عماد أتصلت بصفاء تشتكيها .. شيماء: شوفتي يا صفاء  
عميل جوزك يا صفاء . صفاء: فيه إيه شيماء . شيماء: عايزه أخرج  
أنا وخطيبي . عماد قال لبابا أنه هايخرج معانا . بس مش دي المشكلة  
 . المشكلة أنه عايزنا نروح تحت بيئة , قال إيبية مش عايز خطيبي  
يصرف عليا . أقوله أحنا مكتوب كتابنا يقولي ولو . لما تبقي في بيته  
يبقي يصرف عليك . وهايودينا تحت معفنة عشان مايصرفش فيها  
كثير .. ده بيقول هيودينا جنينة الحيوانات .. تصوري يا صفاء .  
حيوانات .. حيوانات إيبية . مش كفاية الحيوانات اللي حوالينا .  
صفاء: بقولك إيه أنت هاتتفسحي زي ما أنت عايزه . وليك عليا أخلي  
أخوك ده يصرف كل اللي في جيبه . أنا هاوريك هاعمل فيه إيه  
 . شيماء . شيماء: لا يا صفاء مش قصدي . هي مش معركة يعني .  
أنا عايزه أخرج وأتفسح فسحة حلوة وبس . مش معركة هي يعني

صفاء . صفاء: لا دي معركة بقي يا شيماء وأحنا اللي هانكسب فيها  
. بصي أنت ملكيش دعوة . سبيني أنا علي عماد وملكيش  
دعوة.. شيماء وهي مش مقتنعة: خلاص ماشي يا صفاء ..

~~~~~

شيماء أتصلت بعماد وقالتله: خلاص يا عماد بلاش نخرج, عماد:  
ليه كده؟, ما أنت كنت هتموتي عالخروجة, في حاجة حصلت بينك  
وبين خطيبك, شيماء: لا مفيش . بس ... أصل .. بصراحة أنا كلمت  
صفاء . وقالتلي كلام وكده فبلاش الفسحة دي أحسن, عماد: قالتلك  
إيه بالظبط فهميني, شيماء: مفيش حاجة . بس بلاش نخرج عماد  
بعصبية: فيه إيه يا شيماء, قولي. شيماء: أصل لقيت صفاء بتقولي  
كلام غريب, إن دي معركة وأنها هتدفعك اللي في جيبك . و .. بس  
أنا مقولتكش حاجة, مش عايزاك تعمل مشكلة معاها بسببي, عماد:  
هي قالتلك كده, طب بقولك إيه, أنت مش عايزه تخرجي. شيماء:  
أيوه طبعا . عماد: طب أتصلي بخطيبك وقوليله الفسحة النهاردة بعد  
الشغل, شيماء: بس النهاردة الخميس وأحنا متفقين على بكره,  
عماد: ملكيش دعوة أتصلي بيه وخليه يروح عند أبوك وهانتقابل

هناك, شيماء: طب وصفاء. عماد: ملكيش دعوه, أنا هتصل بيها  
وقفل عماد مع شيماء, وقال في نفسه: بقي كده يا صفاء .. طيب

---

قابل عماد شيماء وخطيبها . وقال لشيماء هاتي تليفونك, شيماء :  
ليه ؟, عماد: وأنت عايزاه في إيه, مش معاك خطيبك, ركزي معاه  
بقي وهاتي تليفونك. وأخذ تليفونها . وأتصل بصفاء من تليفونه .  
وقال لها: معلش يا صفاء الفسحة بتاعت بكره بقت النهارده, أصل  
خطيب شيماء أصحابه في الشغل عملوا ليه حفلة خاصة وهانعمل  
الفسحه النهاردة دلوقتي, صفاء: كده من غير ما نستعد حتي, عماد:  
معلش بقي يا صافي, أهى جت كده, أنا مش هقدر أسيبهم وأجي  
أخذك, تعالى لنا هنا, أحنا في النادي الأهلي, أصل واحد صاحب  
خطيب شيماء عضو هنا, علي فكرة يا صافي, أنا أستلفت ألف جنيه  
عشان الفسحة وعاليز أجبك هدية حلوة . صفاء: ياااه الأهلي, ده  
مشوار جامد يا عماد, استتاني أنا جايه بسرعه أهو, وقفل عماد  
الخط, وراح لحد شيماء وخطيبها فسألته شيماء: هي فين صفاء,  
لسه مجتش, الفيلم هايبدأ. عماد: ما انا أتفقت معاها أني أسيب لها  
تذكرة علي باب السينما .....~~~~~

صفاء لبست أي حاجة . وطبعاً أي حاجة دي خدت حوالي نص ساعة . كانت أخذت معاها نص مصروف البيت . طبعاً ما هي عارفة أن جوزها معاه ألف جنيه بقي . يعني يعتبر النهاردة عندها عيد ..ركبت تاكس لحد النادي الأهلي . كانت الدنيا حر وزحمة . وخدت وقت كثير لحد ما وصلت . كام يا اسطي . قالها 80جنيه . صفاء: لبييه يعني أنا ركبت للنادي الأهلي, مش ركبت النادي نفسه , السواق: ياست خالصينا . ما أنتِ شوفتي الشوارع كانت زحمة أزاي وحرقت قد إيه وقت وبنزين, هي مش مقتنعة بس دفعت . بالنسبة لها دي خسارة هامشية أمام ربح ألف جنيه بحالها من جيب جوزها . راحت عند باب النادي . حولت تدخل . الأمن منعها وقالها لازم تكون مشتركة ..اتصلت بعماد . ولحسن حظها أو لسوء حظها كان في البريك بتاع فيلم السينما . فقالت له . أيوه يا عماد تعالى دخلني . الأمن مش عايز يدخلني النادي, عماد: معلش يا حبيبتى . أصل حصلت مشكلة مع أثنين من زمائل خطيب شيماء, واحد زملكاوي قال الزمالك انصف وأحسن وحلف ميت يمين لنروح ناكل هناك, صفاء: وهو يعني لازم تاكلوا في نادي . هو أنتوا هاتكلوا النجيلة بتاعت الكوره, عماد: هههههههه دمك خفيف أوي يا حبيبتى . بس يا الله بسرعه بقي الحقينا

وأنا مستنيكِ عالْبوابة مش هاكل ألا لما تيجي ..وقفل المكاملة .  
وشاورت لتاكسي . صفاء ركبت التاكس وقالت للسواق: نادي  
الزمالك يا أسطي, السواق: إيه , يعني إيه مش فاهم عايزه تروحي  
فين بقي بالظبط, صفاء: بقولك عايزه أروح نادي الزمالك, بصلها  
السواق من فوق لتحت باحتقار لدقيقة كاملة وفي الآخر قالها . طب  
أنزلي من التاكسي بالذوق أحسنلك . صفاء: فيه إيه يا اسطي,  
السواق بثورة قالها: يا شيخة أتقي ربنا, عايزاني أخذك من قدام  
النادي الأهلي وأوديكِ لنادي الزمالك, لبيبيه هو أنا معنديش دم ولا  
مبدأ, ده أنا عندي أموت ولا أعملها. صفاء بغيط: ياعم وأنت مالك,  
أنت شايفني يعني سايبه الأهلي ورايحه أوقع للزمالك . السواق بنفاد  
صبر: يامدام أنزلي بالذوق أحسنلك, هي مش ناقصه فقر عالْمسا,  
قال زمالك قال, نزلت صفاء وهي مكسوفة جداً وحاسه بإهانة غير  
مفهومة, برغم أنها ملهاش في الكوره أصلاً ..المهم كل تاكسي قدام  
الأهلي يرفض يروح الزمالك . وطبعاً سمعت تعليقات بايخة من  
السواقين, علي هيئه يابوابيين . أو و عايزه تاكسي ليه؟ . اركبي  
كنبه بماتور . وكلام مفهمتش نصه بس أتأكدت أن تقريباً كله تريقة  
وشتيمة . فقدت أي أمل أنها تركب من قدام النادي . فراحت تمشي

مشوار طويل جداً لحد ما وصلت لمكان بعيد عن النادي وركبت  
تاكسي للزمالك . وملقتش عماد مستنيها عالبوابة . فأتصلت بيه,  
صفاء: أيوه يا عماد, أنا قدام البوابة, انت فين؟, عماد: معلش يا  
صافي أصل كان فيه مشكلة والنادي مانع دخول الزوار فمدخلناش,  
صفاء : طب ما أتصلتش بيا لبيه وقولتلي يا عماد, ياعماد حرام كده  
والله عماد: معلش يا صافي, أصل الناس اللي معانا كتير . رجاله  
وستات وأنا مش عارف أكلمك وسطيههم ومقدرش أسيب أختي  
وخطيبها . عشان متبقاش قلبه ذوق, وأنتِ برضو أتحرك بسرعة  
شوية, صفاء: طب وأنتم فين دلوقتي, عماد: أحنأ هانطلع علي  
السينما, يالله أهو قدامك ثلاث ساعات توصلي براحتك وأنا هاسبك  
تذكرة عالباب ..وقفل معاها ونسي متعمد يقولها سينما إبيه .  
وحاولت تتصل بيه لقت تليفونه مغلق .. وهو بدأ ياكل وجبته اللي  
طلبها . أصله كان قاعد في مطعم من أشهر مطاعم الدجاج في  
العالم....ركبت تاكس لحد شارع عماد الدين . سألته كام يا اسطي  
السواق.100 جنيه, صفاء: يا نهار أبيض, السواق وشه أتحول .  
عينيه طلعت لبره وطق منها شرار . وشفيفه أتحركت بحركة عصبية  
لا إرادية . فقالت لنفسها ده باين عليه مش سواق . ده قاتل متسلسل

فكملت كلامها وقالت . يانهار أبيض, بس ميت جنية .. أتفضل,  
خطفهم السواق من أيديها . اللي فاضل معاها عشرين جنية . وهي  
بحساب المكسب والخسارة . خسرت كتير ولازم تعوض خسارتها  
لفت علي كل السينيمات في شارع عماد الدين . مفيش تذكره باسمها  
في أي سينما . حاولت تدور علي مكان ترتاح فيه شوية لحد ما عماد  
يفتح تليفونه . الأماكن حواليتها أما كافيها غالية أو قهاوي للتدخين.  
مفيش حاجة تتفع تقعد فيها ألا أسوأ الحلول . تقعد في محل كشري  
أصلها مش بتحب الكشري ..دخلت المحل وهي حاسة أنه مغلوب  
علي أمرها . شافت الناس بتاكل الكشري . منظر الكشري سد نفسها  
ريحة الشطة والتوم والدقة مخليها حاسة أنها عايزه ترجع ...  
واللي زاد الموضوع جمال . أن مقدم الطلبات واحد شاكلة سوابق.  
جانب فوطه قدرة أساساً ومسح بيها الترابيزة قدامها فوق الأكل اللي  
عالتربييزة علي هدومها ..سألها بلطف, واللفظ بتاعه تهياها كأنه  
هايشتمها . لسبب غير معروف كرهته وكرهت المكان من كل قلبها  
العامل قالها . طلباتك يا مدام ابتسمت صفاء بوقار . وحاولت تطلع  
كلمات سياسية توضح موقفها . الحقيقة أنا وضعي مختلف شوية,  
أصل أنا مش بحبب الكشري و.....العامل .قاطعها . ونظرة غباء

وشر في عينه وهو يقولها . نعم يامه ...صفاء أتأكدت أن السياسة  
ملهاش أي سعر معاه . فقالت بسرعه إنقاذاً للموقف: واحد كشري  
لو سمحت . العامل قالها . ااه بحسب . ولف ظهره عشان يجيب  
الطلب . فقالت له من ظهره . وكيس فوار ترجيع معاه ..بص العامل  
وراه لصفاء . لقاها بتبص علي سقف المحل . كأن يعني مش هي  
اللي اتكلمت . جاب العامل الطلب . وفضلت صفاء تاكل فيه ساعة  
كاملة بدون مبالغة . تفصل الرز لوحده والمكرونه لوحدها والعدس  
لوحده . كان بالنسبه ليها دي مش وجبة . دي وسيلة تعذيب . ده  
طبعاً شجعها أنها تلعن الفسح عالي عايز يتفسح ...بس خلصت  
ولقت الناس خارجة من السينيمات . فدفعت الفلوس وقامت تتصل  
بعماد اللي أخيراً فتح تليفونه صفاء: إبيه يا عماد, قفلت تليفونك  
ليه؟! عماد: معلش أصل هما في السينما طلبوا منا كده, صفاء: طب  
أنت فين أنا قدام السينيمات في عماد الدين تعالالي, عماد: وإبيه وداك  
هناك, يا بنتي أنا في سينما المول, صفاء: بس أنت مقولتليش أنك  
في المول, عماد: لا قولتك بس أنت نسيتي, أجي أخذك, بس فيه هنا  
هدية جميلة جداً عايز أجبهالك . وخايف أطلع من هنا أنسي المحل,  
صفاء: لا خليك وأنا هاجيلك .وركبت صفاء تاكسي لحد المول



السواق طلب 40جنيه . دفعت له 15جنيه وقالت له . هو رقمك كام  
عشان أحوك رصيد بالباقي, السواق: رصيد إيه يا مدام . أنت  
بتستعبطي, صفاء: لا بجد والله . أصل معيش فلوس بس ممكن أكل  
حد يحولك رصيد بباقي المبلغ, طبعاً السواق فضل يشتد عالنسوان  
وركوب النسوان معاه واليوم اللي أشتغل فيه عالتاكسي . وكل ده  
قدام الناس عند باب المول . أكيد صفاء مش هاتنسي اليوم ده في  
حياتها أبداً ...دخلت المول وهي مش معاها إلا أثنين جنيه فكه . ده  
غير الأرهاق اللي فيها . أتصلت بعماد وقالتله . أنا هنا في المول يا  
عماد عماد . معلى يا حبيبتي .أصل أحنأ .....قطعت عليه الكلام  
بصرخة أقرب للصويت . أنا هالارووووواح, عماد ببرود الدنيا:  
مالك يا صافي عصبية كده ليه, صفاء: أنا هاروح يا عماد, أنا كرهت  
الفسح عالي اخترعها ,حرام عليك .وقفلت السكة والحقيقة عماد  
أصلاً كان بيكلمها من البيت ...الغبانة ركبت عربية سرفيس المرة  
دي . بس القدر لعب معاها لعبته . ركب جنب منها أثنين ستات عبارة  
عن كتل لحمية رخوة . هي في النص بينهم . والحقيقة هما مش  
ركبوا جنبها . هما ركبوا وقعدوا عليها . والبت يا عيني قطعت النفس  
 . وفي نص السكة مقدرتش تستحمل أكثر من كده . قالت للسواق:

نزلني هنا . نزلت وقعدت خمس دقائق كاملة عشان تحس برجليها  
تاني . وأخذت الطريق لحد بيتها مشي وهي تقريباً بتعرج . لحد ما  
دخلت العمارة وطلعت الشقة . كانت من المستحيل في وضعها ده  
أنها تتخاف أو تعاتب . بس عماد قالها: حمدالله عالسلامة يا حبيبتي  
. أنا جببتك معايا الهدية, صفاء: وهي مش قادره تتكلم, بجد أحبيبي  
عماد: طبعا . غمضي عينك, غمضت صفاء عينيها انتظاراً للمفاجأة .  
بس من تعبها نامت وهي مغمضة عينيها . عماد صاهاها بقلمين  
خفاف علي وشها . وطلع لها الهدية, صفاء: إيه دي يا عماد, عماد  
: دي هديتك يا حبيبتي, فتاحه علب صلصة, صفاء: هي دي الهدية  
الجميلة اللي كلمتني عنها, عماد: طبعا, دي تخبل, دي بتفتح كل  
حاجة, صلصة وسمنة وأرايز كولا كمان, الحقيقة صفاء كانت في  
اللحظة دي منتهي الصلاحية تماماً فمقدرتش ترد عليه, صفاء: طب  
شكراً يا حبيبي عايز حاجة بقي, أنا داخله أنام, عماد: لا نوم إيه, أنا  
لسه متعشتش, حضري العشا وروحي نامي, دخلت صفاء المطبخ  
وهي بتجرجر في رجلها, شوية وغابت جوه, دخل عماد يطمئن عليها,  
لقاها يا حرام نامت علي نفسها علي الكرسي في المطبخ . ومالت  
راسها علي جنب والأكل عالنار, عمل إيه عماد بقي, زي أي زوج

ممکن یتصرف فی موقف زی ده . صورها بالموبایل صورة للذکرى  
وکتب تحت الصورة . مع تحیات بطل الرجالة عماد . وطفی عالاکل  
وسابها علی وضعها . وقفل نور المطبخ وخرج یحمد ربنا ویشکر  
فضله.

[رجوع للفهرس](#)

# أزاي تخليه يغسل المواعين



إقبال علي الفون بتقول لصفاء : إيه يا بنتي مش بسمع صوتك ليه ؟ ,  
صفاء : مفيش يا أبله بس مشغولة شوية في شغل البيت , أبله إقبال :  
ليه كده ؟ , هو مش بيساعدك في شغل البيت , صفاء : -لا يا أبله , أبله  
إقبال : معقولة ؟ ! , وساكتة علي كده ازاي ؟ , صفاء : يعني ممكن أعمل  
حاجة تخليه يساعدني غصب عنه في شغل البيت , إقبال : طبعاً يا  
بنتي , أنت بتتكلمي ازاي , شوفي أنت الحاجة اللي عايزاه يعملها  
وسبيني أتصرف , صفاء : يا اه إذا كان كده بقي خليه يغسل المواعين  
عشان أيدي اتشقت من البرد والله . إقبال : بس كده .. من عنيه .....

---

رجع عماد من الشغل وشكله هلكان وميت من التعب . بص لقي صفاء  
مجبسه أيديها . بذهول وخوف حقيقي قالها : مالك , في إيه يا حبيبتي ؟ ,  
صفاء : رحت أشتري شوية طلبات وأنا ماشيه زنق عليا توكتوك  
فوقعت عالرصيف أيدي أتجزعت , رocht المستشفى جبسو هالي  
وقالولي , هاتقعد في الجبس ثلاث أسابيع وقالولي أبعد عن الميه  
طول الفترة دي , قالها : ألف سلامة يا حبيبتي .. ومخدش باله من  
التلميح في كلامها . فدخلت المطبخ ورنّت علي نمرة . ثواني والباب

خبط .راح عماد يفتح .لقي واحدة ست عجوزة دخلت علي طول من  
غير إستئذان وقالت :سلامو عليكم, عماد :أيوه فيه حاجة يا أمي,  
الست العجوزة: أنت بتقولي روعي أتلبي ..ليه يابني كده ..ده برضو  
أنا أد أمك عيب عليك, صفاء خرجت وقالتله :آه دي أم حسن  
..بعتهالي ماما عشان تغسل المواعين .عشان أيدي .وتبقي تديها  
عشرين جنيه وهي ماشيا يا بيبي, عماد: عشرين جنيه بحالها وده  
طبعاً كل يوم لتلات أسابيع مش كده, صفاء: يعني يا حبيبي عايزني  
أحط الجبس في الميه .معلش بقي .آه و أرجوك تعاملها بأسلوب  
كويس .دي مش خدامه دي واحدة عجوزة وماما بتساعدنا فحافظ  
علي أحاسيسها, عماد: طب وهي بسلامتها أم حسن بتحب تنكت كده  
كثير, صفاء: لا يا حبيبي ده سمعها تقيل شوية, فاياريت تعلي صوتك  
وأنت بتكلمها عشان تسمعك, وشاورت صفاء لأم حسن أنها تقعد  
ترتاح وهي راحت تكمل طبخ,قال عماد لأم حسن : شكلها حكاية  
مش هاتعدي علي خير, أم حسن: إيه يابني عايز فطير, عماد: -فطير  
إيه يامه سلكي ودانك, أم حسن: بتقوللي صوني لسانك, طب هو أنا  
يا بني عبت فيك ولا حاجة أنت هتتبلى عليا, عماد بأعلي صوت  
عنده:أتبلى عليك إيه, بقولك: نورتيناااا, أم حسن: هاتروح الجنية

..طب مش لما تتعشي الأول يا بني, ده حتي المثل بيقول أتعشي  
واتمشي ..أسمع يا بني مني أنا أعرف عن..... قاطعها عماد بعد ما  
أتخفق وجاب آخره: خلاص يا وليه حرام عليك هاتشيليني, أم حسن:  
حاضر يابني .من عينيا, اتذهل من إجابتها, وبص لقاها قامت وراحت  
لصفاء وقالتلها, جوزك بيقولك أغرفي الأكل الصيني عماد بقي  
يضرب كف علي كف: ياولييه حرام عليك فقعتيلي مرارتي, أم حسن:  
وبقولك خودي البطانية عشان تتغطي, قالتة أم حسن :مالك يابني ؟  
في حاجه مزعلاك .يابني متكتمش في نفسك الكتمة وحشة .دي  
تشيبك قبل أوانك , عماد: بااااااس .صرخ عماد بكل قوته عشان  
يوقف سيل النصائح بتاعها, فسمעתه صفاء فخرجت وقالت: فيه إيه,  
عماد: تعالي شوفي حل في مجايب أمك دي, دي هاتجبلي العصبي,  
صفاء: ياحببي أستحملها عشان خاطري الكام أسبوع دول, أحنا  
محتاجين لها ولا عندك حل ثاني, عماد: يالهوي ..يالهوري كام أسبوع  
.دا أنا مش مستحمل كام دقيقة , لا يامه سلامتها أم حسن دي ربت  
لى كالو, هو أنا ناقص حرقة دم, صفاء: طب يعني تغسل انت  
المواعين, عماد: ده أنا اغسلها وأشطفها وأعصرها وأنشرها كمان  
لو حبيتي, بس أرحميني من سلامتها أم حسن دي, صفاء: طب

خلاص يا حبيبي أديها فلوسها وروحها وأغسل أنت المواعين بعد الأكل, عماد: من عينيا ...يا سلام أنتِ تؤمري وبص لسلامتها أم حسن وقالها: منورة أحاجة, قالتله أم حسن: ضربتها بالمخدة , طب مش عيب يا بني تضرب مراتك, لا يا بني اللي يضرب مراته ده لامؤاخذه يبقى راجل (حلووف), عماد ودانه أحمرت وعنيه وسعت عالآخر من الكلمة الأخيرة, وصفاء عشان مش قادرة تكتم ضحكاتها قالتله :طب أسيبك أنا مع سلامتها أم حسن وأروح أشوف الأكل .وجريت عالطبخ وهي بتدمع من كتر الضحك .أما عماد فطلع عشرين جنيه من معاه وأداها لأم حسن وأخذها أنجة لحد باب الشقة وهي عماله تديله في نصايح في حسن معاملة الزوجات لحد ما طلعتها من باب الشقة وقفل الباب وراها وقعد يخبط دماغه في الباب من جوه من كتر حرقة الدم .

[رجوع للفهرس](#)



## المصارعة



لما صفاء أتنقت من عماد لأنه بعد ما بيتعشي معاها بيسبها ويروح عالتلفزيون .ويقعد عليه لحد ما ينام ولا يقولها كلمة حلوة ولا حتي يعبرها لو حاولت تكلمه .أتصلت بأبله إقبال تشتكى لها .وكانت أبله إقبال كالعادة عندها الحل.

~~~~~.....

قاعد عماد كالعادة عالتلفزيون بص لقي صفاء جات قعدت جنبه .استغرب شوية لأن دي مش عادتها .وهو أصلاً كان بيتهرب منها بحجة التلفزيون .عشان كده بدأ يحول القنوات عشان يخنقها وتقوم لكن بطلتنا العظيمة كانت لزقة عالكنبة مش عايزه تتحرك .ولما لقي أن مفيش فايدة قام وقالها: انا رايح انا, هتنامي ولا سهرانة شوية, صفاء: لا أنا هاسهر شوية ..دخل عماد ينام وفضلت صفاء سهرانة لحد وقت متأخر تتفرج علي قناة المصارعة ..وكررت الحكاية دي كام يوم, بس مش ده اللي قلق عماد ...في يوم عماد راجع من الشغل كالعادة بص لقي عم صلاح البواب بيبصله بصره إعجاب وبيبتسمله ويقوله: أزيك يا أستاذ عماد والله يا أستاذ عماد الجماعة بتاعتك دي براوة عليها, ست حقيقي بميت راجل, عماد بنص اهتمام: أشمعلي,

عم صلاح: أصل هنيه مراتي لسه بتحكيالي عالي عملته في السوق مع بتاع الخضار عشان مكنش بيبيع بالتسعيعة, دي مسكته من رقبتة ونزلت فيه بونيات وشلايت لحد ما مسخرت بكرامته الأرض, والله عفاريم عليها, عماد بغباء سألته: تقصد مين, عم صلاح: الست صفاء جماعتك يا أستاذ عماد, عماد بنفس ذات الغباء: صفاء مين وجماعه إيه.. صفاء بتاعتنا اللي فوق دي؟, عم صلاح: أيوه.. هو أنت عندك غيرها, عماد قاله: طيب, وكبر دماغه وأعتبر عم صلاح بيهزر معاه, بس لما طلع الشقة رأيته أختلف تماماً....فتح الشقة سمع أصوات معركة جوه في أوضة النوم, فدخل يشوف فيه إيه, لقي صفاء ماسكة المخدة بتاعت السرير ونازله فيها ضرب. ترميها علي الدولاب بقوة ولما ترتد تمسكها وترفعها علي رقبتها بطريقة جون سينا وترميها عالارض وتعملها حركة (you can see me)

الشهيرة للمصارع جون سينا وبعدين تكبس علي المخدة بجسمها.. عماد بغباء وذهول يسألها: صفاء أنت بتعملي إيه؟, صفاء بجدية تقوله: أنزل عد ثلاثة عالارض...ياالله بسرعه, في الأول أفكرها بتهزر, لكن لما بص في عنيتها أتأكد أنها بتتكلم جد, فنزل عد ثلاثة عالارض. فقامت صفاء ورفعت إيديها بانتصار, عماد: مبروك يا

كابتن, بس ممكن أفهم إيه ده اللي بتعمليه, صفاء: شويه تسلية وكده  
يعني, عماد: طب مش تحاسبي لتموتي المخدة في أيديك. وفي عشا  
ولا هايبقي بعد الفاصل, صفاء: حاضر يا حبيبي هاحضرك العشا  
حالا وراحت تحضر العشا, و أكل لوحده عشان كانت صفاء بتابع  
المصارعة عالتلفزيون. فقالها عماد. أنتِ مش هاتكلي, صفاء:  
....., عماد بصوت أعلي: يا صفاء بكلمك هاتتعتشي ولا لأ,  
صفاء بحركة آلية, عملتله بمعنى هششششششش, عماد خلاص غلي  
الدم في نافوخه فصرخ فيها: إبييه هششششششش دي, صفاء بصتلته  
بصه أندرتيكر, عنيتها اتقلبت متعرفش أزاي, وحس عماد أنها هتقوم  
تمسكه من رقبتة بحركة الكماشة بتاعت أندرتيكر الشهيرة, و أفكر  
كلام عم صلاح, فأشتري نصيبه سكات أحسن لدرجة أنه خاف ياخذ  
منها الريموت ويغير القناة, فانسحب بهدوء وراح نام ...تاني يوم  
في الشغل حكي عماد لجابر ولسمير زمايله الحكاية فقال جابر: دي  
باين عليها بتستعبط, قال سمير: لا أنا قرئت مقال علمي بيقول أن  
الستات لما يقعدوا لوحدهم فترة معينة يبدأ يحصل معاهم حاجة زي  
كده, جابر: ياعم أقعد ساكت , دي بتعمل زي شادية في فيلم عفريت  
مراتي, سمير: يا بو جهل أقولك مقال علم نفس تقولي فيلم عربي

قديم, عماد بنفاد صبر : أيوه يعني أعمل إيه دلوقتي, أجبلها دكتور  
ولا أجبلها كام باقة قنوات, جابر: هههه لا أنا هاقولك تعمل إيه,  
أنت النهاردة تروح وتخليها تحضر العشا وأنت شفر أو أمسح قنوات  
المصارعة, ولو سألتك هي راحت فين قولها الظاهر غيروا الترددات  
مهو بيغيروا الترددات كل شوية, عماد: عارف يا جابر, مع أني كل  
مرة أسمع كلامك بلبس في حيلة ألا أن الخطة دي فعلاً حلوة ...  
وفعلاً نفذ عماد الخطة, ولما دورت صفاء علي القنوات ملقتهاش  
وقالها عماد يمكن غيروا الترددات يا حبيبتي ..صفاء: بقي كده,  
عماد: معلىش بقي, هابقي أعرفهم وأجيهم لك يا صفصف, هاتخشي  
تنامي ولا هاتسهرى, صفاء: لا نام أنت أنا سهرانة شوية, عماد  
بفرحة ورضا قالها: طب يا حبيبتي سهرة سعيدة ودخل ينام وكان  
متوقع أنها هتدخل وراه علي طول بس الحقيقة أنها فضلت سهرانة  
لوقت متأخر كالعادة, بس مش دي المشكلة...المشكلة أنها لما نامت  
بدأت تزوم وتطلع أصوات غريبة من بقها ...عماد قلق جداً وقرر  
يشوف الصبح هي كانت سهرانة علي قناة إيه .وكانت المفاجأة  
الكبرى .....عماد في الشغل بيقول لجابر: الله يخرب بيتك قولتلي  
أمسح قنوات المصارعة, أهى حولت علي قناة توب موفيز, وطول

## رجوع للفهرس

## صفاء أمن الدولة



النهاردة شبعة وحب حباب سيماء احب عماد . وطبعاً صفاء كانت  
بتجهز للحفلة دي من أسبوع فات, من لبس لاكسيسورات وكل حاجة  
لأن دي أول مرة هتظهر فيها لعائلة عماد بعد الجواز وكان يهمها

أوى تظهر بشكل مميز .. عماد بره في الصالة جاهز ومنتظر صفاء  
تخلص لبس . بعد أكثر من ساعة من الانتظار خرجت صفاء وعلي  
شفايفها ابتسامه كبيرة وقالتله: إيه رأيك؟, بصلها فعينيه وسعت علي  
الآخر وقالها: إيه الزبالة اللي أنت لبساها دي, و إيه اللي أنت عملاه  
في وشك ده, البسمة اللي في وشها طارت وأتركت مكانها نظرة  
غباء وبصت للفستان وقالتله: وماله اللبس ؟, عماد: وهو الفستان  
ده عشان نروح الفرحة ولا نروح النار . الفستان ضيق يا حلوة وكمان  
دراعه عريان, أنت فاكدة نفسك ماشية مع مين .. صفاء: يا سيد  
الرجالة ده فرح أختك يعني لازم أكون شيك, وكمان فين اللي ضيق,  
ده كده عادي وكمان فيه جاكيت للأكمام العريانة بتعتك دي, إيه بقي  
المشكلة؟, عماد: المشكلة أنك رايحة فرح أختي وكل العيلة هتكون  
هناك ولما يشوفوكي كده هيبقي منظري زي الزفت قدامهم, هي كلمة  
واحدة غيري الهباب ده و أمسحي اللي في خلقتك ده, صفاء: يعني  
عايز تفهمني أن أختك مش هاتلبس فستان وتعمل مكياج ؟, عماد:  
والله أختي عندها أبوها مسئول عنها وكمان هي النهاردة هاتكون في  
عصمة راجل يبقي يحاسبها أما أنت مسئوله مني, بقولك إيه بطلتي  
غلبة, طب والله العظيم ما أحنا نازلين من هنا ألا لما تغيري الفستان



وتهدي المولد ده, بغيط وبغضب دخلت صفاء تغير الفستان : بصت  
لنفسها في المرايه وقالت: مالي كده, ماهو عادي يعني . وفجأه لمعت  
في راسها فكرة فقالت لنفسها: حاضر يا عمدة . هانشوف بقي أنا ولا  
أنت... بعد شوية خرجت صفاء وهي لبسه إسدال أسود كبير ونقاب  
أسود وجوانتي أسود وكلها أسود في أسود مش باين فيها غير  
عنيها, وكان معاها شنطة كبيرة جداً . بصراحه كان منظرها  
غريب.. إتفاجئ عماد لحظة من منظرها لأنه متوقعش أنها تلبس كده  
بس معترضش عليه بحكم أنه أعترض علي اللي قبله وكمان كان  
أتأخر فعلاً عالفرح

~~~~~..

نزلوا وركبوا عربية صاحبه جابر اللي استلفها منه عشان الفرح  
.وفي الطريق راح عند محل حلويات يشتري كام دسته جاتوة, كان  
صبي الحلواني من النوع المرووش اللي تحس أنه دايماً متوتر وكان  
بيبص لصفاء بقلق عشان خاطر لبسها وهي لما لاحظت كده عاشت  
في الدور وبقت تبوصله بغضب وتبرق بعنيها جامد .الصبي بعد ما  
عماد مشي قال لصاحب المحل: يا معلم أنا شاكك في الراجل والست

دول ..شكلهم كده أرهابيين, الست كان شكلها يخوف, المعلم: أزاى  
ياض, الصبي: كانت بتبصلي وعنيها بتطق شرار شكلهم من بتوع  
داعش وهايخدوا الجاتوه ويحطوا مكانه متفجرات ويودونا في داهية  
يامعلم, المعلم: داهية إيه ياض في ليلتك اللي زي وشك, الصبي:  
أيوه يامعلم ما كل الناس هاتقول أن الجاتوة عليه أسم المحل, المعلم  
بقلق: ليلة أبوك مش فايّة, وهانعمل إيه دلوقتى؟, الصبي: أنا أخذت  
نمرة العربية, أتصل وبلغ عنهم وأطلع أنت منها يامعلم ..وطبعاً  
المعلم ما كدبش خبر وبلغ عن أوصاف العربية وعماد وصفاء..

---

دخل عماد الحفلة وكانت صفاء محط أنظار المعازيم بالنقاب اللي  
لبساه وفي نفس الوقت كانت عربية عماد تحت العمارة متحاوطة  
بحوالي ثلاث عربيات مصفحة, كلبين لتعقب المتفجرات ده غير  
عربية العميد رأفت سراج الدين اللي كانت بتباشر عملية تفكيك  
المتفجرات, بطرقتهم الخاصة, فتحوا باب العربية ودخلها واحد خبير  
مفرقات بلبس عجيب وفي نفس الوقت قالوا للبواب ينده علي عماد  
ويقوله أن واحد صاحبه مستنيه تحت ضروري ..لما نزل عماد قالت  
أمه لصفاء: إيه اللي أنتِ لابساه ده حد يلبس كده في فرح, صفاء:  
والله ياطنط أنا قولت كده لعماد بس مسمعش كلامي مع أي كنت

لبسه فستان حلو, هو معايا في الشنطة, أم عماد: طب خوشي غيري  
هدومك وأنا هاكلمه لما يطلع, صفاء بفرحه وانتصار: حاضر يا طنط  
....أما عماد نزل فلقي أتين عند مدخل العمارة خطوا أيدهم تحت  
باطه ودخلوه عربية العميد سراج ..كانت عربية ليها صندوق من  
ورا وكانت ضلمة من جوه ألا من لمبة حمرة ضعيفة ضوئها مخيف  
أساساً وجانبه من الناحيتين عساكر برشاشات موجه عليه وقاعد  
بره العربيه كلبين هما أقرب للأسود منها للكلاب .وقداهه في العربيه  
العميد سراج ...كان الوضع مرعب لعماد فقال له العميد سراج: أزيك  
يا عماد, عماد: مم مين ميين حضرتك ؟, العميد: أنا العميد رأفت  
سراج الدين من مباحث الأمن الوطني, كنت عايز أدرش معاك شوية  
لحد ما رجالتني تخلص شغلها, عماد: ندرش في إيه بالظبط, العميد:  
يعني أي حاجه, في أحوال البلد مثلاً وبص في عنيه وكمل: ولا أنت  
مش عجبك أحوال البلد ولا إيه يا عماد, عماد بدأ يحس أن الدنيا  
بتلف بيه .....بعد حوالي ساعة مطلعش عماد فقالت أمه لصفاء أنزلي  
شوفي عماد راح فين .تليفونه مغلق ..نزلت صفاء لتحت وطبعاً كانت  
عايزه تفاجئه بلبسها اللي لبسته بأمر أمه .فاتسحبت براحة لحد  
العربية .وفجأه قالت بصوت عالي للي جوه العربية: أفشتك وقبل ما

تكلّمها كان خبير المفرقات اللي في العربية بيصرخ من مفاجأتها  
لأنه كان متوتر جداً بسبب طبيعة عمله, وهي كمان لما شافت مكان  
عماد واحد لابس زي رواد الفضاء في العربية بيصرخ صرخت  
زيه...لدقيقة كاملة الأثنين ببصوا لبعض برعب وذهول وغباء. لحد  
ما الخبير ما تمالك أعصابه وقالها: عماد مع العميد سراج هناك  
وأشار للعربية, كلمة العميد سراج زودت حالة الذهول والغباء عندها  
بس ده ممنعهاش تروح تشوف فيه إيه ..في نفس اللحظة وبعد ساعة  
من الأسئلة اللي ليها كذا معني واللي خلت عماد ميشوفش قدامه  
.سأله العميد سراج:هي فين البنت المنقبة اللي كانت معاك يا عماد,  
عماد: بنت إيه يا فندم دي مراتي والله العظيم سراج, يعني مراتك  
منقبة, عماد: أيوة ...لا قصدي أيوة منقبة, أشار سراج لصفاء  
بفستانها وقاله: مش هي دي مراتك برضو أومال فين النقاب بقي .  
شكلك كده يا عماد أنك هاتتعبنا معاك وهانضطر نخذك نضيفك عندنا  
يومين لحد ما نعرف الحكاية إيه ..عماد بص لصفاء وللكلبين اللي  
تحت منه ولسراج, فأحمر وشه ودعى عليها في سره, لكن جات  
التحريات أن العربية مؤمنة وعماد بعيد عن أى اتجاه سياسي, فسمح  
العميد لعماد أنه يروح وقاله أنه لازم ياخذ باله كويس لأن العميد

هـيـخـلي بـالـه مـنـه, عـمـاد سـابـت مـفاـصـله خـالـص, وبقـي حـاسـس أـنـه مـتـراقـب ..صـفـاء .مـش هـاتـطـلـع الفـرح, عـمـاد: مـحـروـق أبـو الفـرح, صـفـاء: طـب مـش هـنـركـب العـرـبـيـة .عـمـاد: مـحـروـق أبـو العـرـبـيـة عـلـي أبـو صـاحـبـها,ارـتـحـتـي كـدـه طـبـعاً, هـو بـيـزـعـق وـالـنـاس بـتـتـفـرج عـلـيـه .خـصـوصاً وـهـي لـبـسـه لـبـس غـيـر اعـتـيـادـي, فـسـكـت عـشـان مـتـزودـش حـالـته ...عـمـاد وـقـف تـاكـس .بـص لـصـاحـب التـاكـس لـقـاه راجـل عـجـوز .فـبـصـله بـصـه شـفـقـة وـقـالـه: وـأـنت ذـنـبـك إـيـه أضـيـعـك مـعـايـا أنت أكـيـد وراك بـيـتـك وـعـيـالـك بـصـله السـواق بـسـتـغـراب وـقـالـه: نـعـم, أنت بـتـسـتـظـرف يا أخـيـنا, هـاتـركـب وـلا إـيـه؟... عـمـاد يـقـفـل باب التـاكـس وـيـقـولـه: رـوح يـاحـج وربي عـيـالـك أنا مـش حـمـل أشـيـل ذـنـبـك وذـنـب أولادـك..السـواق يـمـشـي وـهـو بـيـقـول: دـه عـبـيـط وـلا شـارب دـه,عـلـي النـعـمة جـيـل أهـبـل... وـعـلـي الحـال دـه عـدي أربـع تـاكـسيـات وـعـمـاد يـصـعـب عـلـيـه حـال السـواق وـالسـواق يـشـتـمـه وـصـفـاء وـقـفـة مـحـرـجـة وـمـش عـارفـه جـرالـه إـيـه ..أخـيراً وـقـف تـاكـس سـواقـه مـجـرم فـقـالـه: عـمـاد أهـو أنت الـي تـسـتـحـق الـي يـجـرالـك .السـواق: نـعـم عـمـاد: مـفـيـش, وركـب وركـبـت صـفـاء وـعـمـاد طـول الطـريق عـمـال يـكـلم نـفـسـه وـيـشـوـح بـأيـدـه فـي الـهـوا وـالسـواق لـاحـظ كـدـه وبقـي بـيـبـصـلـهـم فـي شـك زـاد لـما لـقي عـمـاد

بيقول لصفاء: من هنا ورايح مش عايزك تلبسي نقاب وتنزلي بيه,  
أنتِ فاهمة, صفاء استغربت بس معلقتش عشان السواق واخذ باله  
منهم لحد ما وصلو البيت فنزل عماد وطلع البيت من غير ولا كلمة  
وحط راسه عالمخدة بس عينه مشفتش طعم النوم .

[رجوع للفهرس](#)

## مصرف البيت..



البيت وعمالة

تطلب زيادة في

دخلت صا

تكلم نفس

المصرف, وعشان كده أستعد لها نفسياً كويس, لحد ما أتكلمت أخيراً وقالت: عماد أنت لازم تشفلك حل بقي, أنا خلاص مبقتش عارفة أتصرف خالص, عماد: تتصرفي في إيه بالظبط؟ صفاء: في المصاريف, الحاجات كل يوم بتغلي والأنبوبة دلوقتي بقت بسبعين جنيه, ده غير الميه والكهربا والأكل وال.....قاطعها عماد: أيوه

أيوه, كوريلي الشريط بتاع كل يوم ده, هو إيه يا بنتي كل يوم الموشح  
ده, صبح وليل, هو دواء وحد وصفهولك ولا إيه , حاولت تجيبه  
بالحنية فقالت: ياعماد يا حبيبي ما أنت برضو لازم تساعدني, مش  
أحنا أثنين مع بعض عالحلوة والوحشة, ضيق عماد عينيه بمكر  
وقالها: يعني إيه المطلوب مني دلوقتي, صفاء: تزودلي المصروف  
شوية, يعني حتي لو ميت جنيه كمان في الشهر وأنا أبقى أدبر  
حالي... بحب قالها: صفاء.... بحب ردت: عيون صفاء ... ببرود  
قالها: ولا ربع جنيه زيادة يا حبيبتي, والشويتين بتوعك دول ما  
تعمليهومش معايا عشان أنا فاهمك كويس, بغيط قالتله : شويتين  
إيه يا أخي أرحم بقي, مريحاك ومهنياك وأنت حتي مفيش شكراً,  
عماد: شكراً يا ستي تصبحي علي خير بقي ..ورمي دماغه لورا  
وعمل أنه فعلاً نام وبيشخر كمان, صفاء: عماد ...يا عماد ...طب  
حتي زودني ثلاثة جنيه في اليوم, عماد: خ خ خ خخ, صفاء: طب  
أثنين جنيه ونص, عماد: خ خ خ تو تو تو ..أوعي بقي يا وحيد  
عشان السلم, صفاء بغيط قامت قرصته وقالته: طيب يا بتاع وحيد  
نام وأنا بقي هاعرف شغلي معاك, من النهاردة مفيش أكل غير  
فاصوليا ناشفة, لحد بقي ما ننشف ونموت, طبعاً هو ولا حتي فتح



عينيه, كل اللي رد بيه بعد القرصة والتهديد أنه قال وهو عامل نايم:  
لا يا وحيد بلاش كده ....

---

رجع وحيد ..قصدي عماد من الشغل تاني يوم لقي وشها مقلوب  
قالها: ياساتر يا رب أفريديها عشان ربنا يفرجها, قالتله: أفريدها أنت  
الأول... تجاهل الكلام وقالها: الأكل إيه النهاردة .قالتله : فاصوليا  
ناشفه ..قالها: نشفتيها يعني ..ماشي يا صفاء ~~~~~

تاني يوم, سأل: الأكل إيه, ردت: فاصوليا ناشفة وتالت ورابع  
ومفيش فايده .هي منقوعة في الفاصوليا وهو يوم ياكل ويومين لأ  
لحد ما فاض بيها, ملقتش حل قدمها ألا مدام إقبال .اتصلت بيها  
وقالتلها: ألحقيني يا أبله أبوس أيدك, إقبال: مالك يا بنتي فيه إيه؟ ,  
صفاء: بقالي أسبوع باكل فاصوليا ناشفة لحد ما حاسه أني  
هزررع... إقبال: وليه كده?... صفاء: عشان بنشفها عليه عشان  
يزود المصروف, بس خلاص... إقبال: أنت عبيطة, طب ماهو هاياكل  
اللي بيحبه بره ويرجع يخليك تاكلي فيها لحد ما تخضري ويطلعك  
ورق شجر في رقبتك, صفاء: طب أعمل إيه يا أبله ألحقيني... إقبال:  
أعلمي أحلي أكل وأحلي عزومة النهاردة , استغربت صفاء وقالت:

أزاي الكلام ده يا أبله... ضحكت إقبال وقالت لها: طبعاً يا بنتي, بس قوليلي الأول بتعرفي تتكلمي لغات... صفاء بدهشة: إيبيه؟

.....

اتصلت لبنانية بصوت كتير دلح بشركة عماد وطلبت التحدث مع رئيس الشركة ..أمنيحه عليكم لأيام مسيو شريف, رئيس الشركة: أيوه يافندم تحت أمرك, اللبنانية: حضرتك معاكون آنسة ميشيل لبراجي, مديرة لعلاقات العامة بشركه ميتالو اللبنانية الإيطالية, نحنا بنخابركون أن مسيو كارليتو سمع عنكونون كلام كتير مهضوم , وكان بيدو يسوي بزینس معكونون, فكونا عم نطلع أننا نقعد معكونون وناخد فكره أكبر عن الشركة بتاعتكونون من شان نسوي هادا البزنيس... رئيس الشركة: أوي أوي أحنا معندناش أي مانع , أمتي أنسب ميعاد للمقابلة, ميشيل: يا ريت نسويها الليلة من شان مسيو كارليتو عم يغادر القاهرة الليلة .ياليت الساعه سبعة مقر شركتنا هو في (.....), رئيس الشركة: إن شاء الله حاضر, سبعة بالدقيقة هيكون عندكم مندوبينا... ميشيل: ثانك يوو مسيو شريف جود بالاي, وقفلت صفاء الخط وقالت: حاضر بعماد عم ألوصك

النهاردة من شان تعرف مين صفاء . وضحكت ضحكة شريرة متقطعة

....

الساعة سبعة ولما الرجالة دخلوا العمارة طلّعوا للدور التالت اللي فيه شقة صفاء وطبعاً بيدورا علي مقر الشركة ومش لاقينه . خبطت هنيه مرات البواب علي شقة صفاء , وطلبت صفاء من عماد أنه يفتح الباب عشان أيديها مش فاضية في المطبخ , فتح عماد لقي قدامه مدير فرع الشركة بتاعته ومعاه مدير العلاقات العامة والمستشار القانوني للشركة , أول ما شافهم قال : يا نهار أسود .. قصدي إيه الصدف الجميلة دي . يا سيادة المدير , المدير : إيه ده ؟ , أنت ساكن هنا يا عماد , طب كويس , أنت تعرف فين مقر شركه ميتالو دي أصلي بتصل بيهم والخط مغلق , عماد : بغباء وأرتباك : والله معرف حاجة يافندم بس أتفضل أرتاح شوية , خرجت صفاء بتقول لعماد : مين يا عماد , عماد : ده مدير الشركة ومدير العلاقات العامة والمستشار القانوني عندنا في الشركة , بعد السلامات وعبارات الترحيب , قال المدير : معلى وقت تاني عشان مستعجلين , صفاء بعزم : لا والله أبداً ولا يمكن يحصل , لازم تتفضلوا معانا , الأكل أهو جاهز , المدير : معلى مرة تانية , صفاء راحت مسكت المدير من أيده ودخلته غصب عنه

وحلفت ميت يمين أنه لازم يقعد ياكل معهم, استغرب المدير لكن طاووعها وطبعاً عماد أضطر يمسك فيهم هو كمان مهو مش هينفع يعمل عبيط دلوقتى ,دخلوا وقعدوا في الصالون ودخلت صفاء المطبخ: ثواني وأستاذن عماد وراح المطبخ يسأل صفاء: هتأكلهم إيه؟, صفاء: فاصوليا ناشفة طبعاً هو أحنا عندنا غيرها, ولول عماد: يا نهار أسود ..يا نهار أسود ..أنت عايزة تفضحيني, دا أنا سيرتي تبقي حديث الصباح والمساء في الشركة, صفاء: مش ده الأكل بتاعنا, علي الأقل لما ياكلوا الناشفة ويعرفوا حالنا يزودولك المرتب عشان تزودلي المصروف بقي, فهم عماد قصد صفاء فقالها: طب هازودلك المصروف, بس أتصرفي, صفاء: عشرة جنيه يومياً , والفلوس تيجي دلوقتى عماد: ككك...ك ..كام, صفاء: عشرة جنيه يا عمدة وخلي بالك الناس بره, يعني لازم تطلع تقعد معاهم عشان عيب, عماد بقهرة: طب خليها خمسة جنيه, صفاء أدته ظهرها وقالتله: طلع الفاصوليا ياعماد من التلاجة, عماد وعنيه قربت تدمع من القهر: طب سبعة جنيه ..صفاء: مباحش الفصال, عشرة يعني عشرة, عماد راح جري لأوضة النوم وجاب روزمة فلوس , تحويشة عمره ياولداه, وطلع 300 جنيه وقالها: أهم بس الحقيني أبوس أيدك,

صفاء: طب طلع العصير بقي من التلاجة وصبه عبال ما أطلع أحمر  
الفراخ, عماد بستغراب: فراخ ...وعصير ..وحلو كمان ..وعينه  
ضاقت بمعنى الذكاء وقال لها: الله, ما أنتِ عاملة حسابك, صفاء هو  
الناس دي جاية تدور علي شركة ومفيش أي شركة هنا في العمارة,  
طب أزاي؟! , صفاء: و أنا مالي, مش اللي أتصلت بيهم واحدة لبنانية,  
مالي أنا ومال لبنان, عماد: الله وأيش عرفك أن اللي أتصل بيهم  
واحدة ست ومن لبنان, صفاء: مش هما اللي قالوك بره, عماد بشك:  
هما اللي ... صفاء: أيوه, عماد : عموما ...حسبي الله ونعم الوكيل  
في الظالم, صفاء: الظالم بقي هات ميتين جنيه كمان حق الأكل ده  
لأن العزومات عليك زي ما أنت عارف ..ولا بلاش ..ها, عماد طلع  
ميتين جنيه كمان وطلع العصير وحضر العشا وطول الوقت في سره  
بيقول ..حسبي الله ونعم الوكيل ...حسبي الله ونعم الوكيل.

[رجوع للفهرس](#)

## صفاء. . التوكتوسايكوس



أتصلت صفاء بأبله إقبال تقولها: أيوة يا أبله, أنا النهاردة تعبانة  
خاالص, مانمتش طول الليل أمبارح, بتفرج عالتلفزيون وقايمة  
جسمي مكسر ... إقبال: أيوة وبعدين, عايزة إيه?...صفاء: مش  
عايزة أعمل شغل البيت وعازاك تفكريلي في عذر كويس عشان  
عماد لما يجي ماعملش معايا خناقة, إقبال: هههههه, طب وندور  
علي عذر لبييه?, ما نخليه هو اللي يعمل شغل البيت, صفاء: إيه  
ده أزاي ده, هو في كده ?, إقبال: إيه أنتِ بتشكي في قدراتي ولا  
إييه, طبعا فيه, وزى ما أنتِ عايزة, يوم أثنين تلاتة, إنشالله أسبوع  
, صفاء: الله يا أبله, أنا عايزة من ده ونبي .. بس أزاي ?, إقبال: أنا  
أقولك أزاي .

~~~~~.....

عماد وهو في الشغل . جاله تليفون .. هنيه مرات البواب: ألحقنا يا سي عماد, الست صفاء وقعت من طولها, وأوغمن عليها, عماد بارتباك: إيه يا هنيه بتقولي إيه, براحة كده وفهميني حصل إيه؟! , هنيه: الست صفاء كانت في السوق, وأول ما وصلت باب العمارة عينيها زاغت كده, و وقعت من طولها, ألحقها يا سي عماد, ألحقها أعمل معروف .. عماد والأرتباك زاد عليه: طب يا هنيه, شوفيلها دكتور وأنا جاي حالا .. وقفل السكة . و بيلبس هدومه .. جابر صديق عماد قاله: خير يا بني مالك, لونك اتخطف كده, فيه إيه؟, عماد: صفاء وقعت من طولها في الشارع, والظاهر أن الحكاية مش ولا بد, جابر: ياعم خير إن شاء الله, روح شوف فيه إيه وأنا هاعملك أذن الأنصراف, بس طمنا, عماد: إن شاء الله . تشكر يا جابر . سلام عليكم .

~~~~~.....

وصل عماد الشقة, لقي صفاء راقدة عالسرير, وجنبها هنيه مرات البواب ومعاها الدكتورة, وجه كلامة للدكتوراه وقالها: خير يا دكتوراه



..الدكتورة: خير إن شاء الله, أنت جوزها, عماد: أيوة ... الدكتور:  
أنا الدكتورة إقبال إخصائية نسا, ممكن أكلّمك بره شوية , عماد قلق  
زيادة وخرج بره مع الدكتورة عالصاله, الدكتورة قالت: . مخبيش  
عليك, الموضوع خطير, بس برضو سهل علاجه عماد: خير يا  
دكتورة, أنتِ كده قلقتيني زيادة .....إقبال: شوف يا أستاذ عماد,  
الست لما بتتجوز, حركة جسمها كله بيتغير, وكمان حالتها النفسية  
والسيكلوجية بتتبلور, وحتى الإفرازات الكيماوية والعضوية بتتغير,  
ونتيجة التغيرات دي بيحصل تفاعل جوهرى نفسى وعصبى من  
دائرة اللاوعى المركزى و التفاعل ده بيغير أنشطة الجسم كله,  
وبيحصل حاجة معروفه طبيا باسم التوكتوسايكوس, وفي الحاله دي  
بتطراً علي تصرفات الس..... وشافت إقبال الغباء متجلي بأسمى  
معانيه في وش عماد, لدرجة أن عينيه أحولت, دليل علي محاولته  
اليأس في التركيز والفهم, فقاطعت نفسها وقالتله: أنت فاهمني يا  
أستاذ عماد ولا إيبىه ؟ ....عماد: إيه, أيوة أيوة, كفى الله الشر, يا  
ساتر يارب . مراتي عندها التوك .. التوكتوك سيس... إقبال: توكتوك  
سيس, طيب, المهم لازم الراحة التامة, ومتعملش أي مجهود,  
ومتعرضش للأتربة ولا أي جراثيم, والبيت لازم يكون جيد التهوية

و... بصت عالشة حوالها وقالت: إيبية ده, الشقة عاملة كده  
ليبيه؟, البيت ده لازم ينضف, والسجادة دي تتغسل, والأنترية  
يتنصف من التراب بعيد عن الشقة, والبيت كله يتعقم ويتطهر, جسم  
مراتك ميتحملش أي تلوث و ألا ها يآثر ده عليها وعلي الجنين لما  
يحصل حمل . وممكن يعمل تشوهات و عيوب خلقية, وساعتها أنا  
بحذرك, هاحملك المسؤولية القانونية كاملة ..... عماد: يا نهار أبيض,  
هي وصلت لكده ..... إقبال: طبعاً, الموضوع خطير يا أستاذ عماد,  
وطبعاً مش هاوصيك, لازم تاخذ بالك من حالتها النفسية, إياك ثم  
إياك تزعها أو تجرحها طول فترة العلاج وألا .. هاتحصل إنتكاسة  
ربنا يعلم هاتودينا لفيين .. أستاذن أنا بقي, ومشيت وسابت عماد,  
وسابت مع كلامها مفاصله, عماد فكر, صفاء عايزة حد يراعيها .  
وهو في الشغل, بص لهنيه وقالها: ما تقدي مع صحبتك يا هنيه  
هنيه: لا لا يمكن أبداً يا سيدي, أسيب جوزي والعمارة أزاي, عماد  
:هاديكي خمسين جنيه في اليوم يا هنيه, وده بس لحد ما أرجع من  
الشغل ... هنيه وهي بتخرج من الشقة: والله ما ينفع يا سي عماد .  
ده كانت العماره كلها تتضربني . سلام عليكم ... وراحت هنيه  
...ملقاش عماد حل تاني, طلع تلفونه وأتصل بجابر: أيوة يا جابر ...

الحمد لله خير .. معلى يا جابر أعملى أجازة أسبوع .... أصل  
الدكتورة قالت لازم حد يتابعها... معلى بقى ... سلام يا صاحبي  
....وقفل السكة .

وبدأ شغل البيت...

~~~~~

قلع الهدوم بتاعته وحطها فى الغسيل, و قد بفانلة حمالات وبنطلون  
برمودة, وطبعاً حط منديل قماش على وشه لزوم التعقيم . ودخل على  
صفاء .... صفاء: مالك يا حبيبي, سنانك وجعاك ... عماد مخنوق:  
بس مش عايز يبين لها عشان حالتها النفسية, قالها: أيوة سنانى  
وجعانى, ياسلام على نباهة أمك يا حبيبتي ... صفاء ببرود مقصود:  
لا سلامتك يا حبيبي ... عماد: المهم دلوقتى, هأخد دش وبعدين هأبدأ  
أحضر الأكل, والنبي تابعينى فى الأكل عشان آخر مرة كنت هأعمل  
أكل, البيت كان هيلع ... صفاء: فاكهه يا بيبى فاكهه, هي دي حاجه  
تتنسى .. المهم خرج عماد, وخذ الدش وبدأ يحضر الأكل, وطبعاً كل  
حاجة يعملها يدي بيها تمام لصفاء . وبعد شويه صفاء أفكرت أن  
عماد ممكن يصهين من شغل البيت ويقعد يتفرج عال تلفزيون,

**فندهتله: عماااد . يا عمااااااااااااااااااااا ... عماد: أيوۃ يا روح عمد ....**

**صفاء: معلى عشان زهقانة, ممكن تجبلى التلفزيون هنا عشان**

أُتْفِرَجَ عَلَيْهِ .. عِمَادٌ يَبْصُلُهَا شَوِيَّةٌ كَدَهْ , وَبَعْدِينَ يَسْلُمُ أَمْرَهُ لِلَّهِ , وَيَرْوَحُ

**يشيل التلفزيون والريسفر ويحطهم في أوضة النوم .. يخرج عماد**

**للصالة، ويشيل السجادة، ويطلعها عالبكونة بره ويبدأ ينفذها**

**بمضرب السجاجيد .. طبعاً عاصفة الصحراء التي عملها خلت بنات**

**كثير طلعت من شققها . ولما شافوا عماد هو اللي بينصف فضلوا**

**ياتفرجوا عليه ويضحكوا بس مش دي المشكلة . المشكلة الحقيقية ،**

أن كان فيه ولد شاب مراهق علي سطح عمارة قريبه بيطير حمام،

**فشاف عماد ففضل يضحك ويقولہ: أنت يا واد يا بت، صدرك طالع**

من الفاتلة، غطي صدرك يا مز... البنات تضحك فطست علي روحها

**من الضحك، عماد أتحلق ودخل، الشاب يقوله: طب رايح فين .. طب**

رقم التلفون أعسل ... عماد قفل البلكونة وراه, وقال لنفسه: عيل

سافل . بيقصد الشاب طبعاً، كل ده وصفاء مشغلة فيلم كوميدي

**وبتضحك و عماد حاسسها بتضحك عليه.....دخل يلبس قميص, فقالت**

له صفاء: عماد ... عماد: عيون عماد ... صفاء: أنا عطشانة ....

**عماد: حالاً يا روجي هاجبك فيه .... صفاء: فيه إيه .. أنا عايزة**

التلاجة .... عماد بذهوووووول: نعم ياختي ..صفاء: إيه يا عماد,  
الدنيا حر, وأنا بعطش كتير, ومش كل شوية أندهلك, وبعدين  
متكلمنيش كده ..عماد حس أنها هاتزعل, فعصر علي نفسه لمونة  
وقالها: تصدقي صح, وهو الموضوع إيه يعني, ده حتي قاعدة  
التلاجه بعجل وحركتها سهلة . ..وفعلاً نقل التلاجة من المطبخ  
لأوضة النوم جنب صفاء, وطلع يكمل شغل....كان عليه ينفذ  
الأنترية, أخذ كرسي وطلع بيه بره الشقه وفضل ينفذ, عاصفة  
صحراء ثانية, خرج جاره أستاذ عبده من الشقة, فلقى عماد معفر  
السلم فقاله: إيبويه ده يا أخ عماد ينفع كده...عماد: معلش يا أستاذ  
عبده, أصل مراتي عيانة ولازم النظافة عشان صحتها, أصل هي  
عندها ... عندها....أستاذ عبده: عندها إيه يا أخ عماد ....عماد:  
التوك...التوكتوك ... ال....أستاذ عبده: عندها توكتوك, طب يا سيدي  
ألف مبروك, وهو اللي ربنا يكرمه ويجيب توكتوك يعفر عالناس كده  
..عماد: لا مش التوكتوك يا أستاذ عبده, ده حاجة كده أسمها .  
توك.... توكتوك وتاكس.... ضحك أستاذ عبده وقاله: يا راجل ..  
توكتوك وتاكس, وده جالها مرة واحدة ولا جالها التوكتوك الأول  
وبعد كده التاكس, عموماً ألف سلامة, وقولها متتعيش نفسها كتير

عشان أزمة البنزين اليومين دول, علي كده هي موجودة ولا سحبوا  
رخصتها, وساب عماد ونزل .... عماد: مش فاهم حاجه, بس ما علينا  
..... كمل شغله, وما صدق خلص, لقي الباب بيخبط ..فتح الباب لقي  
جابر في وشه, قاله: يادي البلوة السوداء, هو أنا يا أبني مشفكش ألا  
في النصايب .... جابر: الله . إيه المقابلة الساقعة دي يا عمدة, وأنا  
اللي جاي أطمئن عليك وعلي المدام .... عماد: ولا ساقعة ولا سخنة,  
أنت تاخد بعضك بجراثيمك, بسلطاتك ببابا غنوجك كده وياالله مع  
السلامة ..... جابر: جراثيم إيه يا عماد ما تحسن ملافظك يا جدع,  
دخلني أشرب حتي كوباية ميه, الدنيا حر وأنا ريقى ناشف يا  
جدع..عماد: يا عم بقولك جراثيمك تقولي أدخل أشرب ميه...بص  
عماد لقي زهرية ورد جنب الباب مسكها وأدهاله وقاله: خد أشرب  
دي ... جابر: إيه يا عماد ده؟, أشرب ميه الفازة,وكمان ده ورد  
صناعي, مفهوش ميه ... زق عماد جابر لبره وقاله: يا عم روح  
شوف حد يتفلك في وشك, بقولك أنت كلك جراثيم ومراتي مش  
مستحمة .... وجه صوت صفاء من أوضة النوم: فيه إيه عندك يا  
بيبي بره .... عماد:ولا حاجه يا حياتي, ده الزبال ومشى ... جابر:  
بيبي, هي فيها بيبي وحياتي, وزبال كمان, آااه أنا عرفت اللي فيها,

بص يا صاحبي, نصيحة من صديقك الصدوق, الشاب اللي يتقاله يا  
بيبي مرة, لا يمكن يتعدل حاله بالمرة .... عماد بنفاد صبر: ياعم  
روووووح بقي ... نزل جابر وشوية أفكر عماد حاجة, نده عليه  
عماد تاني, قاله جابر: يا سلام أنا كنت عارف أني مش هاهون عليك,  
تنزلني كده من غير ما أشرب .... عماد: أنت معاك تليفونك فيه  
ألعاب, صح .... جابر: آه ... عماد: طب طلع خطك بسرعة, وبص  
جابر لقي عماد بيطلع تليفونه وبيطلع منه الخط, عمل جابر زيه وهو  
بيسأله: طب ليه كده؟, هي الخطوط هاتنفجر ولا حاجة ... أخذ عماد  
التليفون بتاع جابر, وأداله تليفونه وقاله: أسبوع وأبقي أرجع هولك..  
وقفل في وشه الباب ... جابر: تصدق أنت عيل واطي .. طب أمسح  
الصور .. بس كان عماد وصل أوضة النوم وبيكلم مراته ... صفاء:  
ايه في حاجه .... عماد: أبداً يا حبيبتي, شوفتي جبلك إيبه؟, ده  
بتاع جابا.....صفاء: الله ... هدية عشاني . يا حبيبي يا جوزي يا  
غالي ... وطبعاً معرفش يقولها أنها فهمت غلط وأنه مش بتاعه وأنه  
مستلفه من صاحبه عشان حالتها النفسية, فاستعوض ربنا فيه,  
وبالليل أترمي عماد بره عالكنبة زي الحجر من كتر المجهود اللي  
عمله, ونام بره طبعا عشان الجراثيم

# صفاء .... المصرية الأمريكية لإبادة الحشرات المنزلية





## بأيدي .. مش من مجلة ميكي

### مقدمة

---

.. كل سنه وأنت طيب يا عماد

---

---

دخلت صفاء علي عماد وهو نايم عاملة زيتة جامدة: يالا يالا يا عماد قوم أصحي فووووووق ... عماد قايم متغاض من أسلوبها في إيقاظه عالصبح: يووه بقي, جري إيبه يا صفاء... صفاء: أصحي عشان تروح شغلك يالا .. عماد يبص في الفون, لسه أكثر من نص ساعة علي ميعاد صحياه, بعتاب وغيط قالها: ما لسه بدري يا قلق .. صفاء: بدري إيه, قوم, أنا النهارده هرش الشقة, خلاص الصيف داخل والنمل والصراصير لو عشن هيبهدلني ... عماد: طب وأنا مال أهلي تصحيني بدري ليبييه؟! , صفاء: عشان الشركة هاتيحي بدري ترش, وأنا لازم أجهز البيت قبل الرش, وكمان بعد الرش, وبالمرة

106

,هايجيلي ليه بقي؟ ... صفاء: عايزاك تعطليه, أخرييه شوية, أصل  
النهاردة عيد ميلاده, وأنا عايزة أعمله سربريس ..الأم: وربنا أنتِ  
بنت خايبة, عايزة تعملي للقرده عيد ميلاد, أنتِ عبيطة كده لبييه؟,  
صفاء: يا ماما مهو عملي مفاجاه حلوة في عيد ميلادي وأنا عايزة  
أعمله يوم مينسهوش, بس عطليه علي قد ما تقدرني وخلص....  
الأم: حاضر يا ختي, عالله يتمر فيه

~~~~~...~~~~~

عماد في الشغل بيمر بأرخم يوم شافه, مفيش حاجة ماشية مضبوط  
أبدأ . سألّه جابر صاحبه لما لقاه بينفخ كده: مالك يا عمدة, مش رايق  
يعني النهاردة ..عماد: يوم عجيب من أوله يا جابر, من ساعة ما  
صحيت واليوم مش ناوي يعدي علي خير, مراتي اشتغلتنني في 400  
جنيه من مصاريفي الخاصة, عشان هاترش وكمان هاختم اليوم  
بحماتي, جابر: حماتك يا ليلتك اللي زى وشك, وهاتعمل إبييه؟...  
عماد: هاعمل إيه يعني,ربنا يلطف, بقولك شوفلي 100 جنيه معاك  
لآخر الشهر عشان أنا مش معايا دلوقتي غير خمسين جنيه بس,  
جابر: وماله ياعم . بس ده اخرك معايه الشهر ده يا كبير . اه ما

مش مراتك تشتغلك, تيجي تشتغلني أنا . عماد: أفضحني, أفضح,  
خلي اللي ميعرفش يعرف .. وأستلف عماد الفلوس . وبعد يوم طويل  
ومجهد راح علي حماته ...~~~~~

---

- أنت جييت . أهلاً ... عماد حاول يبتسم: أزيك يا حماتي .  
...حماته: الله يسلمك يا حبيبي, جاهز ... عماد: علي إيه يا  
حماتي .... حماته: هاتوصلني لصاحبتني ....عماد: هو ده اللي  
أنت عايزاني فيه .... حماته: كشرت عن أنيابها وقالت: وهو  
ده مش عاجبك ولا إيبيه؟, عايزني أمشي لوحدي في الشارع .  
كده بالليل .....عماد: وهو الفروض مين اللي يخاف, أنت ولا  
الشارع ..حماته مفهمتش, قالتله: إيبيه .....عماد: ولا حاجة  
يالا بينا يا حماتي ....وحماته أختارت أنها تروح لأبعد واحدة  
من صاحبها عشان تضيع الوقت, ولما نزلوا من التاكس السواق  
قاله: 60 جنيه ... عماد: ليبيبيه كده يا ذوق السواق: يا بيه ده  
أنا كده عامل معاك واجب ...عماد مجادلش كثير عشان حماته  
واقفة, دفع وحب يوصل حماته فقالت له: علي فييين .... عماد:  
هاوصلك يا حماتي, حماته: لا أنت أخرك هنا, أحنا أثنين ستات

. هاتقعد معانا تعمل إيبية, أستتاني هنا .. عماد بغيط: حاضر يا حماتي, هستتاكى فى الشارع عشان عيب أطلع معاك .. وطلعت حماته , وسبته وسط الشارع يضرب كف على كف, دور على مكان يقعد فيه, جعان يا عيني, وشقيان طول اليوم, بص لقي كافيتريا قصاد عمارى صاحبة حماته, فقعد فيها, وهو معهوش ألا 90 جنيه, أول ما قعد . نزل المتر زجاجة ميه وطبق فواكة, عماد قاله: بس أنا مطلبتش الحاجات دي... المتر: دي هدية يا فندم من المحل, تطلب إيه حضرتك . عماد: إن كان كده يبقى هات واحد شاي . .. مشي المتر يجيب الطلب, فعماد أكل الفاكهة وشرب من الميه . شوية وجاله الشاي, وبعد ما شربه, لمح من بعيد حماته نازلة, قال للمتر: حسابك كام ... المتر: 80 جنيه, حضرتك ... عماد: 80 إيه يا بني ... أنا مطلبتش غير واحد شاي .... المتر: أيوة يافندم, واحد شاي بـ 20 جنيه, والترابيزة بـ 60 جنيه ... ضحك عماد وقال: يا بني هو أنا أكلت الترابيزة, ما هي قدامك زي ما هي أهى .... المتر: آه, طب أنا هاجيب المدير تكلمه أحسن, وجه المدير: أيوة حضرتك مش ناوي

[illegible]

عماد: آه.... السواق: هات خمسين جنيه, بس لو أتقابلنا مرة  
تانية أعرف أن عليك واجب, عماد: رقبتى لأبو الجدعة . وقفل  
عليها باب التاكس, حماته بتقول للسواق: واجب إيه, نزلني يا  
راجل أحسنك لقول خاطفني وأوديك في مصيبة, السواق دور  
العربية وسمع عماد السواق بيقولها وهو بيسوق: بقولك إيه  
يا وليه, أنا عندي القاولون العصبي ومش ناقصك, كلمة تانية  
وأحدفك من العربية وهي ماشية ..... عماد وقف يراقب التاكس  
وهو بيدعي ويقول: يارب تتكلم والسواق يوفي بوعده  
ويحدفها.. يااارب ورجع عماد للمدير وقاله: بص أنا هاتصل  
بحد يجيي ويديلك فلوسك, بس بلاش فرج . وقفل عماد صدره  
و دارى جسمه من فرج بالجاكت . وفرج ببصله كأنه طمعان  
فيه . المدير قال لعماد: بس أنت مش هتجز ترابيزه, والمكان  
مفتوح فمفيش حل قدامي غير يا أما تروح القسم, يا أما تستني  
اللي هايجيلك في الحمام . عماد عينه وسعت وقال: الحمااااام

..

---

فكر عماد يتصل بمين, لو أتصل بجابر تاني يوم هاتبقي فضحته في  
الشغل بجلاجل . وميقدرش يتصل بخطيب أخته, عشان ميكسرش

عينه ليه, فكر ... فكر . ملقاش قدامه غير جاره الأستاذ عبده

~~~~~

أول ما دخل أستاذ عبده صور عماد صورة مفاجأة كده وهو قاعد مقرفص في الحمام وقاله: ملتش بقي يا أخ عماد, الواحد ما بيشوفش اللقطات دي كل يوم وبصراحة الصورة حلوة وإمكانيات العدة كويسة 12 ميجا بكسل بقي ياسيدي, عماد: وماله يا أستاذ عبده حقك, أنا لو مكانك و أنت مكاني كنت هاعمل كده برضو, أنا ممكن أدليك صورة من الوش وصورة من الجنب, لو تحب...ضحك الأستاذ عبده وقال: لا مش للدرجة دي يا أخ عماد, يالا بينا من هنا . وخرجوا وهما في السكة أستاذ عبده بيقوله: مانا قولتلك يا أخ عماد, أتجوز تاني مسمعتش كلامي ده حتي سنة ... عماد: تاني يا أستاذ عبده, ده أنا معايا حطة متر ونص ومورياني اللي عمره ما شفته في حياتي, أستاذ عبده: طب ولييه تضيقها علي نفسك كده, هاتلك متر ونص كمان, ويبقي عندك ثلاثة متر تفصل فيهم علي كيفك ههههههههههه... عماد مفهمش بس قاله: طب وأنت مش عايز تتجوز تاني ليه يا أستاذ عبده, مادام كل شوية بتقولي أتجوز, أستاذ عبده: يا أخ عماد أنا مرتاح كده, ولما هاتعب هاتجوز, إنما أنت من



ليلة دخلتك وأنت مش شايف راحة، أسمع كلام أخوك الكبير وأعملها كده . وأنت تعيش في هنى, آه والله , وهاتدعيلي... في اللحظة دي كانوا وصلوا, خرج عماد والأستاذ عبده من العربية وهو بيقوله:  
والله يا أخ عماد أنت حلك في الزوجة الثانية, جرب أنت بس ...عماد:  
أسكت أنت بس لو مراتي سمعتك, مش بعيد تخطط لإغتيالكَ ..ضحك  
أستاذ عبده لكلام عماد وقاله: طب أطلع أنت, أصلى أنا هاروح مشوار . سلم عليه عماد وشكره وطلع بيته مخنوق ومهدود ومتغاز  
ومتترفز وجعان, وفيه كل مواصفات ومكونات التفجير, مستني بس  
ضغطة زرار عشان تفجره . والحقيقة صفاء محرمتهوش, دخل عماد  
الشقة, لقاها ضلمة . عماد بغيط: علي أبو أم النور اللي بيقطع ده,  
الواحد مش ناقص ..شوية وهو ماشي في الصالة أتكعبل في حاجة  
وقع علي وشه " آاايييبي ميين الحمااااااالي حط الحاجات دى في  
الصالة". هنا فتحت صفاء النور, شاف عماد اللي أتكعبل فيه, كان  
بدوب كبير عالارض, والارض مليانة دبديب . والبلاين في كل حنة  
وزينة في كل ركن, عماد قال لصفاء: إيه ده بقي بالظبط, صفاء: ده  
بقي السربرايس بتاعي ليك, عشان النهاردة عيد ميلادك  
ياحبيبي,عماد: وأنتِ عشان النهاردة عيد ميلادي بعيني لأمك .

[illegible]

مرة واحدة, ولع فيهم بأنبوبة بوتجاز منفسه, ياااارب ....أما صفاء  
فنزلت لقت هنيه . مرات البواب . فقالت لها . الله خير يا ست صفاء,  
صفاء: مش عارفة يا هنيه بعمله عيد ميلاد قام طردني . وسمعوا  
صوت البلالين وهو ييفجرها فقالت هنيه: والله أنتِ مظلومة  
وصعبانة عليا يا ست صفاء , بقي بعد كل اللي عملته علشان ده  
ويطردك . ويفرقع البلالين اللي تعبتي في نفخها طول اليوم بدل ما  
ينفخ معاك , لا والله سي عماد جوزك ده راجل مفترى وربنا هايوقعه  
في شر أعماله .

[رجوع للفهرس](#)

عماد قال لصفاء: إيه ده بقي بالظبط, صفاء: ده بقي

السيد راس, بتاع, لك عشان النماردة عبد ملادك

